


0cm 1 2 3 4 5 6 7 8 9 10 11 12 13 14 15 16 17 18 19 20 21 22 23 24 25

浙江圖書館





浙江圖書館



浙江圖書館

皇明名臣抗倭錄卷之十



浙江圖書館

皇明名臣琬琰錄卷之十

前監察御史練公諱銘



王文肅公與



公諱綱字從道姓練氏蘇之長洲人高祖貞元淞江行樞
密院都事曾祖文達海道萬戶府總管祖則成洪武
初由春坊司直改河南道御史以直言授旌賞考哲
封監察御史母王氏文靖公汝玉之女贈孺人公在
童孺時已有鉅人志長而嗜孝學通春秋宣德乙卯
領鄉薦其名在第二會試入冒監歷事都察院正統
己巳

英廟親征北虜未還

景帝監國尋即大位時京師擾攘人心洶洶廷臣雖職

居臺諫亦莫敢昌言國是公據古証今上中興要務

八條一曰謹天變二曰急先務三曰正軍法四曰布

息澤五曰廣言路六曰屏奸邪七曰公薦舉八曰察
羣吏其大要謂中興與創業無異因敗爲成轉禍爲
福惟在君心一轉移之間冬十月虜寇進逼京城公
復上勤王急務謂虜勢猖獗非直要求金帛而已未
必不欲效金人以汴宋待我也然我國家與畜之廣
倉廩之實甲兵之利固非宋比然求其人種師道李
綱輩亦未多見乞遴選武臣授以方略俟其深入乃
奮擊之及勅邊將勒兵內向邀其歸路設有倡爲和
議緩於武備且請南遷以苟偷安者卽爲奸臣宜急
加誅以爲衆戒疏入

上感悟命苑行之且奇其才可任風紀卽日授公浙江
道監察御史明年景泰改元上時政五事皆一時安
攘之計辛未奉璽書巡視兩淮鹽課權貴爲之歛戢

據之計辛未奉璽書也視兩淮鹽課權貴爲之歛財

壬申還朝賜宴光祿寺以示優異尋以邊境未寧虜
情莫測上軍國大計八條皆見加納時吏部缺尚書
上命舉可稱任者公率同官言左都御史王翺嚴公峭
直右副都御史年富操履端方大理寺卿薛瑄持正
不回此三人者擇而用之庶能品藻人才迨蹤王直
上於是召王翺爲吏部尚書以年富爲戶部而薛瑄亦
相繼大拜三載賜敕命有**戒**克振勵不添覈官之褒
先是京師有警兵多離次遣使四方召募丁壯聚之
勇敢榮歲久逋逃者衆大臣請治其罪編之尺籍公
上言召募之初既諭以大義復許以事定遣歸故健
夫勇卒雲集京師爭先自效既而淹留日久恩寵未
及饑寒迫身勢必逃避且

皇上膏體天地好生之仁於犯大辟者尚原其死俾隸

尺籍何至使應募無辜之民與之爲五刑賞失中莫
此爲甚方今水旱相仍流亡接踵萬一事例太重搜
求大急致生事端爲患非小兼之邊務尚殷急於用
武他日復有召募誰其肯從

上是其言悉詔不問義勇得復於民者數千人甲戌巡
按福建時官臺山民聚爲盜渠魁未獲而逮繫脇從
公至釋之趣師勒捕且追啓其典守者於是與衆相
作按察使楊珏乃誣據公于朝當道亦多忌公遂左
遷陝西邠州判官再徙甘肅前衛經歷部符未下而
公已丁外艱歸吳自是絕意功名聶復薦業于尹山
之陽爲終焉討建恩菴于先生之側塑先賢范文公
公文信公像于中語人曰初吾自分得用於時當奈
范公否則爲文公死爾今兩失之奉其爲像以見吾

范公否則爲文公死爾今兩失之率其爲像以見吾

志識者憫焉公賦性剛毅不肯屈下好善之心雖切而嫉惡大甚事有不可雖達官貴人亦面折之不爲少容以故立朝未久一序不復亦其勢然哉春秋七十有六以成化丁酉三月廿三日卒配徐氏封孺人子男四莊萃彙並孫男七元輔元佐元亮元齡元睦元桂元弼公初莊徐孺人于吳縣鳳凰山先茔亦自預爲壽藏至是莊等奉柩以戊戌三月二十二日定焉先期奉河南陽武訓導陳頌狀來請銘予與公同朝最故故序而銘之其辭曰練在成周官有世公暨其後人代濟頤融不隕益封延昇於公惟公才雄式克自舊憂國奉公謹言危論爰求其中有源有本冒不宥施卒於困頓寫鳳伏竄鳴鵲翱翔從古已然於今奚傷公道在人厥聲惟懿太史作銘垂千百世

奇菴彭先生傳勗

葉文莊公盛

先生彭氏名勗字祖期別號存菴宋御史中丞思永
十二世孫也系出唐安定王後吉州刺史珩始居廬
陵山口六世祖司農少卿少英後文天祥起兵勤王
始遷今永豐故今爲永豐人曾祖貴德以書經試不
偶乃業醫濟人家有種德堂蓋期待其子孫所以識
也祖景忠父叔敏先生生有異質七歲日記數百言
嘗從鄉父老入佛寺獨不拜寺僧強之不從反叱之
曰彼佛蹠跣不衣冠我何拜焉人大奇之父間私語
之曰爾能力學以繼前聞人乎即應聲曰吾能之於
是遣從里孫儒曾以南游大通四書理經之旨年廿六
登宋樂乙未進士第念親老乞教職就養得南雄府
教授在官凡得一美衣食必先奉親諸生化服其爲

教授在官化得一美衣食必先奉親諸生化服其為

教以經書熟讀講解焉先作文次之每選諸生之尤
者聚一室同飲食躬為訓導至終其任不替造就甚
多雲南鄉試聘為考官驛舟抵廣南界有稱臨安府
先求見贄以黃金先生笑却之三日復尾其後因怒
叱左右擒其人不得既至方鎮諸公禮待甚厚凡場
屋事一惟先生言是聽乃知黔國公晟都師昂二公
以考官多私是科則各使人偵之獨先生嚴不可犯
故爾九載赴吏部以急闕乃除建寧教授績效如南
雄有許宗道者以匿書為權要所嬖因中傷官民人
論事之按察使副王增刷卷來卧病道中許一女孫
飲人家而寘轎於生員游亨門亨歸怒毆其轎大許
銜之即以游氏人子魘魅人誣且以其居近童五郎
詞為証增入其言遂寘亨父叔七人重罪俱就其平

民因神而不獄者四百餘家且以增素敬先生恐先生直其誣并誣先生不得見一日官吏聚揖增言茲事不枉人畏其威皆曰然先生獨立所言游氏非巫者五郎非邪神初損地築城人也事載郡志大人勿信謔衆駭愕而退步選召送志書入乃大愧悔盡釋無辜增亦卒正統元年以少傅楊公士奇薦召拜監察御史提督南畿儒學師道卓然教條畢立寬嚴得體一時東南士風翕然振起己未廷試三甲魁選悉出先生至今論南畿提學必以先生為第一嘗辯嘉定縣民朱行等三人非謀殺人建平縣民陳良二陳文二等十五人非強盜眾服其明教官有特身不謹者即就黜揚州安慶知府不稱皆劾罷之又幾九年

以內艱去起復拔授考功郎中先是司府州縣及雜
職等官考滿當黜陟者雖公罪但經納贖亦從私罪
降用不報為私過者有罰先生謂此不合公罪不降
律巡檢倉庫稅務河泊等官犯杖罪者不論其功績
即於原授資級降用先生謂此合從當陞資級降庶
不違定制而前官文過譁然相攻以為行之年久即
為例不宜遽更部堂為大閱洪武永樂中已行卷牘
一如先生言譁者始服至於吏胥歷役多弊言者方
多法以繩之得罪者相繼先生謂法出奸生若不為
定規易守將攬撓不已乃自入奏詔可之俾部堂議
條例以進考功為之一清獨趙侍郎者頗怙勢自用
與先生不合嘗面以言誘之先生應之曰勗所知守
成憲以合公論耳若徇時干位非素志也遂奏先生

學行雖優疎於吏牘宜調為郡不報已而竟用闕
補山東按使察副使士論不能平王文瑞公雖極
知重先生而亦莫能主也未幾有己己之變廷議
以先生可用乃勅簡練軍壯固守城池督造軍器
送京營於是

書

圖

江

浙

是不憚出入之勞雖荒崖絕島必親歷以伸寬宥澤

是不憚出入之勞雖荒崖絕島必親歷以伸寬宣澤
為已任屢抗攘外安內之疏直言不隱如是者又四
年以老疾自陳不許巡撫者拜為之奏始得歸時景
泰百癸年僅六十四先生正學直道確然自守壯老
一至不為流俗所惑南雄學後舊有小祠尙一女子
中生每稱之云靈甚學官弟子恒設祭先生初至家
人詹暴卒有寫之私禱遂安明日先生令積薪祠前
躬寘大焚之後屢見光恠有勤復之者拒不納恠亦
尋息嘗奏言釋氏云此人平生所為之惡皆可脩齋
懺脫道經有云不忠君王不孝父母姦私邪淫之罪
亦可誦經有焉即戒夫人之為惡明不失討幽有鬼神
而曰齋醮可滅豈理也哉且脩齋起於梁武設醮起
於林靈素固非盛世可傳之與誠世大害宜漸除之

之及毀去天下不係叢林寺院傳給僧人度牒勒令
年少僧尼還俗禁止創立菴寺脩齋設醮廢治道可
復所至拳拳以名教爲事若建寧胡文定蔡九峯真
西山輩朔尊賢堂秩祀之官如漢五更桓榮大司農
朱邑吳將周瑜宋范文正公胡安定歐楊公朱文公
游定夫元高勳守李齊等墳祠皆爲脩建又嘗言堯
舜禹湯文武周公之道非孔子刪述六經垂憲萬世
則其道無傳所謂集羣聖之大成也濂洛閩之學
非朱子註釋六經而裒集諸子之言則其學不明所
謂集群賢之大成也今朝廷於孔子至矣而朱子建
寧舊宅有祠無祭子孫身服徃役誠非所宜乞定議
褒崇幸甚疏入公議是之近年增入從祀者若大賢
之後累加恩典先生有以遵之矣所著有詩文若干

之後累加恩典先生有以遵之矣所著有詩文若干

卷山東郡邑通志勝覽等集藏于濟南書傳通釋傳
學者又嘗集朱夫人以下讀書規範名曰讀書要法
若干卷門人葉盛曰先生剛方正直道大而才高觀
其在學教在執法在考功皆有成績而獨不為時宰
所容大都可知已使當時處先生而得其宜則所以
發揚經訓丕變斯文不猶有可望者乎昔張子厚泚
東按獄明道先生特疏懇留彭先生則既胃不閑吏
牘之詆矣乃猶以一察官之亞僕僕走塵埃中迄老
且休不聞有明道者出一言晉之先生亦不過也哉
先生亦不過也哉

廉齋先生行狀 與弼

訓導妻諒

先生姓吳氏始祖諱兢汴州人唐睿宗時累遷諫議
大夫七世孫諱宣娶蜀主孟昶女徒居撫州子孫因

家臨川之種湖高祖諱景南號南窓工詩吳文正公
序其集曾祖諱審魏楚江博學詞藻清麗祖諱涇魏
逸愚徙居崇仁之蓮塘父諱博字德潤號古厓國子司
業剛介自守所為詩文有古集女裴氏厓先生以洪
洪武二十四年十二月日生十二日生逸愚夢祖墓一勝
盤旋而上問墓傍一老人此為何藤荅曰攀轅藤翌
日先生生因名夢祥長諱與弼字子傳號康齋繼母
鄭氏先生資稟莫異八九歲時已負氣岸讀書鄉校
窺然有立待親京師習舉子業科第可期矣永樂己
丑年十九一見伊洛淵源錄道統之傳心慨慕焉及
覩明道一書有臘心乃知聖賢之必可學遂棄舉業
謝絕人事獨處小樓日玩四書諸經洛閩語錄收歛
身心沉潛義理視世之所尚舉不足為其志直欲造

乎聖賢之域其詩曰九仞始一簣千里方跬步又曰
誠當通鬼神志當貫金石蓋不下樓者二年辛卯冬
以用工過苦致疾遂還鄉遭風幾覆衆皆驚怖失惜
先生獨正襟危坐舟定問其故曰吾守正以俟耳居
鄉動必以禮或謂其迂或哂其避先生介特凜然不
少變於俗蓋其涵養體認功深而力定已如此每省
親大學粗衣弊屨人莫識其為司成之子里閭之人
多橫逆弗與校益厚其德久從其化中歲家亦貧衣
食不給風雨不蔽躬親稼穡乎足胼胝非其義一介
不以取諸人好學之篤不知晝夜寒暑雖在途或夜
分或杭上亦默誦精思無一雜念敬義夾持明誠兩
進自強不息日親程課敦譽欣戚不一動其心古之
聖賢嘗形諸夢寐昨非今是日改月化門人胡九韶

嘆曰先生可謂日進無疆者矣先生剛毅疾惡暴明
道之和易此遇逆境必加含容用力既久渾然無復
圭角之露然當風頽俗靡之中壁立萬仞非剛毅不
能也深慨嗜利者多師道不立四方來學者却其束
脩雖饑寒切身有所不顧嘗語學者曰吾平生得患
難進了學先韶曰惟先生遇患難能進學在他人則
惰志矣嗚呼天所以困窮拂鬱其身蓋欲堅志熟仁
而勝大任也及其工夫貫徹不怨天不尤人動靜語
默之間莫非鸞飛魚躍之妙其事親則志其孝親心
或有不事順負罪引慝終亦底豫幼失所恃事繼母
如所生異母諸弟交愛兼篤夫婦之間未嘗有惰容
接朋友以誠敬講論義理每忘寢食待親賓隨其所
遇不屈其所無間有寒士欲就學者克己為義而館

穀之惟恐人不入於善歲凶餓孺相枕勸諭富民發
廩賑濟全活者甚衆里有灌蔭溝池久涸為田率鄉
人間墾脩築之人有所賴倡明正學遠近尊信皆知
崇禮義斥異端惟恐不遵其教為恥先生於世味淡
然年十九嘗從楊洗馬學見先生器識超卓未嘗以
弟子禮相待情義極厚洗馬位居保傅屢寄書於先
生竟無一字相達先生道益高譽益廣天下仰之縉
紳尚德之士累上章褒薦俱引疾弗起天順元年十
月忠國公石亨上疏論先生學行之高士類為之矜
式朝廷宜禮聘至京崇以祿位俾展嘉猷
英宗皇帝允其言遂遣行人曹隆費詔兼禮幣起先生
于家十二月行人奉詔至小陂二年三月上道五月
壬寅至京欽授在春坊左諭德先生上疏辭職

上召入文章殿從容顧問尋遣使賜紉羅羊酒柴米續
奉

聖旨朝廷允聞高誼特用微聘今惠然遠來朕甚喜悅
然幣以將誠官以命德禮非過也不允所辭士友咸
勸先生就職先生曰淺陋之學衰病之軀豈甚任使
苟就職便須訖然風未動于朝端方不負

天書期待之重豈敢為竊祿之官甲辰再疏辭職奉

聖旨固知本心不干仕進亦不煩以冗務特處以宮僚
之職不必再辭戊申學士李賢請旨召先生入內閣
講中庸已百三疏懇辭奉

聖旨固辭雖得難進之義揆之中道無乃過乎欲觀秘
書可勉就職丙辰先生令子棨赴吏部告疾部以疾

聞

上知先生終不可以強留畧有乞辭之意七月庚寅四
疏終辭奉

聖旨既年老有疾不能洪職佳辭丙申進封事十策一

曰崇聖志二曰廣聖學三曰隆聖德四曰子庶民五

曰謹命令六曰敦教化七曰清百僚八曰齊庶政九

曰廣言路十曰君相一德同心己未召入文華殿

上眷注無已丁寧纂脩書籍賚以銀幣給以月廩復遣

行人王惟善送歸仍賜詔褒嘉以示拳拳之意先生

既辭

上令內臣傳旨勅行人惟善曰天氣近寒吳興弼年老

一路好生看顧莫教他費力

上之眷遇亦云至矣先生拳拳愛君之誠豈不欲行其

所學以繼二帝三王之治顧乃懇辭者盖有不得已

焉耳己卯九月遣門生車泰進謝表辛巳冬先生適
楚拜舊師楊少傅之墓壬午春適問拜朱子考亭以
中平生慨慕之懷己丑十月十七日卯時以疾卒年
享七十有九先生間氣所鍾挺然獨立無所傳聞道
甚早甚爲學也尊德性以極乎道體之大道問學以
盡乎道體之細反躬實踐隱顯一致其成德也人歆
靜而氣宇和大本立而達道行知足以周萬道是物
以濟天下其心歎然未嘗自以爲足也先生風格高
邁議論英發善啓迪人聽其言者莫不踴躍思奮恒
舉程子之言勵學者曰言人當以聖爲志言學當以
道爲志言進脩不可躐等必先從事於小學以立其
基然後進乎大學以極夫體用之全論讀則以博文
約禮爲要孟子則以求放心克四端爲本中庸則謹

約禮為要孟子則以求放心克四端為本中庸則謹

乎存養省察之功以致中和之極明大極以知性之
厚寃西銘以識仁之體易宗利朱而鄙後學新奇之
說書則古文雖致朱子之疑或者以為偽書而剛之
先生以為古文雖平易而義理亦精深固不得而去
取也朱子詩解已無餘蘊春秋則本程子而資胡氏
之發明三禮則講而習之以見聖人品節之精嘗嘆
宋末以來箋註之繁率皆支離之說眩目惑心非徒
無益而反有害焉故不輕於著述異端雜說不接於
日俗儒之說一覽而得失瞭然理明義精也程朱之
言不忍釋手心契道合無古今之異也所謂文皆積
中發外之實清明峻潔曲折迂紆讀之使人自然興
起詩則本于性情原於義理優柔雄渾有盛唐興致
日錄紀日新之功發事得之益大小楷得晉體自成

一家而妙於造化天文地志律曆醫卜罔不究其說
若先可生謂全人矣嗚呼紫陽沒從世道統無傳所
尚者文詞訓詁功名和達而已先生奮乎百世之下
覽前迹而啓其任道之機遠續閔閔之絕學誠曠古
之豪傑也平生歷患甚多務學甚苦竟不復少試于
時惜哉先生始居石泉宣德戊申居小陂正統庚申
居種湖祖墓二載而復居小陂成化八年十月乙酉
塋本邑羅原岡娶五峯陳氏子一人璵女三人長適
豐人城胡金次適同邑饒循幼承臨川饒協先生沒
有年矣璵以諫受學門下俾狀先生之行履蘇之淺陋
何足形容萬一特述聞見之梗槩以詔後世云謹狀

貞孝先生私謚議

孫鼎

王文肅公與

儒君子經德不回卓行不忒以正己而率人者必其

儒君子經德不回卓行不惑以正己而率人者必其

能深明理道洞徹事機判是非得失之途嚴內外輕重之分而声利不能移形氣不能撓故以守則固以行則篤總萬善而探其本歷萬變而不失其正非如後世匹夫單人執小諫局偏行以成名而立方者其所執固淺淺矣而謂其可以輔倫導俗以表師於人乎哉明故廣東道監察御史致仕廬陵孫先生天賦真醇學力懇烈行義著于州里材名播于都邑始領江浦教事再陟松江郡學閱二十年履繩蹈墨正模定範墜登憲臺兼總學政列郡遵化多士向方恤民生之孱孱於饑饉則憂勸之念形於奏既瞻

聖駕之未返於沙漠則忠憤之心發於声詩反夫諸老而歸人斯仰止疾亟而終歛襟待盡若先生者可謂一息尚存終始不離於正者矣然先生性至孝奉二

親務得其歡心在松江時嘗控騎郊迎以樂觀之就
養及御史績成遂銜歸恩省以榮

上褒封母喪未除哀毀不輟父年及菴色養不違郡守
款薦聞於

上邦人率觀化於下卒之身受而父以壽考終若先生
者可謂敬而能安安可能也卒為難矣先生沒既五
年而壹惠之典未舉至是門人之在朝者以為知理
之正而守之弗去者本天德之貞循仁之愛而行之
不拂者全人性之孝此先生之善之大而可取以為
謚者也翰林侍讀學士雲間錢溥先生之高第也既
為文以表其墓謂與嘗辱先生之教蓋中衆議而定
謚然與今郡守程宗亦嘗親炙於先生者使併刻石
墓上庶過之者知尊其名而仰之不替不亦可乎

曰可遂合而謚之曰貞孝先生云謹議

墓上庶過之者知尊其名而仰之不替不亦可乎食




浙江圖書館

一
二

皇明名臣
疏錄卷之十
十一

皇明名臣疏錄卷之十



浙江圖書館

二
宋
二

皇明名臣琬琰錄卷之十壹

禮部侍郎章恭毅公神道碑銘論

尹侍郎直

南京禮部侍郎章公既薨之四年其孤南京禮科給事中玄應除喪未告于朝曰臣之先臣綸卒遂蒙遣官諭祭有司塗塗寵終之恩溘矣弟贈若謚未荷賜焉

惟

圖

陛下哀憐嘉與之以假寵於章氏而覆蓋其遺胤

天子曰噫茲予忠黨之臣也卹與其可弗備乃贈南京

禮部尚書謚恭毅官其季子玄會爲鴻臚寺主簿玄

應兄弟既祗謝進而指于曰曰先臣幸具蒙卹典矣

惟是墓道之石未有刻詞敢以請予惟恭毅公之所

以忠於朝

聖天子之所以眷於公足為忠義者勸宜有以著之初

景泰元年

英宗皇帝歸自北狩尊為太上皇別居南宮

今上在儲位又明年乃易兩宮既滿嫌隙茲萌災異荐

臻人心危懼廷臣無敢以言者時分為儀制郎中特

陳脩德弭災十四事一畏天戒二任燮理三養聖躬

四節幸御五務儉約六勸論政七悖孝義八慎賞賚

九重名爵十革巡撫十壹擇重臣十二辯異端十三

却貢獻十四汰沉官其畏天戒大意謂內臣不可于

外政倖臣不可假威福後宮不宜盛声色凡為陰盛

之類請悉革罷其悖孝義則謂

上聖皇太后皇太后為天下母受天下養可謂尊養之

至矣然必躬脩問安親膳之禮乃盡尊養之誠

至矣然必躬脩問安親膳之禮乃畫畫于養之誠

太上皇帝君臨天下十有四年

陛下向嘗親受冊封為臣子是天下之父也至是以

天位授

陛下尊為太上皇是天下之至尊也每日朔望及歲時

節早宜率群臣朝見於延安門以極尊崇之道而又

復舊皇后於中宮以正天下之母儀復舊

皇儲於東宮以定天下之大本如此則倫誼篤而和氣

充天意自回災異自弭矣疏上忤旨下公錦衣衛刑

獄逼誣引大臣并南宮通謀榜掠慘酷體無完膚瀆

死者歎卒無一語及他為御史鍾同先嘗有言故并

逮之俱歆重坐會天大風雨黃氣回塞刑乃少緩明

年秋大理卿廖莊入朝入朝亦以嘗請復儲杖干闕

庭因命杖公與同至百同死公幾絕復生禁錮愈嚴

公了無懟悔意越二載

英宗復登寶位

今上還正儲宮首錄公忠出之獄嘉歎良深遂陞禮部右侍郎一時自王公而下至理兒巷婦皆嘖嘖嘆頌不容口曰天祐忠義何若是其較然也公諱論字大經姓章溫之樂清南閩里人其先出閩王審知大傅仔鈞第七子南唐靜邊指揮使仁政之子賁涉自浦城凡幾世元湖州德清典史諱聞宗本比閩吳氏來繼章後公之高祖也曾祖諱新民考諱文寶字叔琮魏西源世有潛德潛祖父咸以公貴贈南京禮部右侍郎祖妣妣俱贈淑人公資稟殊常六歲失恃甫成童而刻勵好業不事生業年十八丁父憂哀教踰禮既冠郡守何公文淵選補郡庠弟子員親為之講

授以詩經中正統戊午鄉薦明年會試第三人廷試
賜進士出身給告畢姻時西源尚在殯公葬畢而後
娶還朝授南京禮部主事景泰初陞禮部儀制郎中
適國家多故公知其無不言言無不盡首稱增會試
取士額次言太平十六事累數干言俱准議行北虜
也先索使通好公言宜暫給往來之盟以待天時人
事之至車駕欲幸大隆福寺公言以萬乘之尊臨異
端之地傳之後世誠非美事又因災異請下詔求致
災之由上示撤樂減膳之敬下推損俸救荒之仁節
濫賜之費罷禡官之奉慎差遣之擾備義倉汰僧徒
諸事苛刻明年遂以言及禍矣其後佐禮部益侃
侃不回天順二年山東水守臣請蠲租未允公為請
得減其半憲宗有被火盜乞賑卹該司沮以無例公

言朝廷重親親宜出特恩遂賜金五百兩南京禮部
闕御佐廷議屬公

上面諭公曰根本重地非卿不可事有言具以來聞
賜白金貳拾兩文綺貳表裏以行四年調南京吏部

八年

今上嗣位有司奉遣詔百日外請行大婚礼公言山陵

尚新元朔未改百日從吉圖竟不安釋服公除在前

代固有常制諒陰婚娶於今日不忍隨宜乞特諭禮

部來春舉行時雖迂公言識者趨之成化紀元又陳

救荒四事四年奉詔考察南京官吏與都御史高明

議不協遂劾之并斥御史部屬十人五年以星變求

避位不許尋陞南京禮部左侍郎六年告歸展省踰

歲還任十年丁母包氏憂將起復乞休致許之家居

創祀先祠及校定時祀拜議謁儀節居家雜儀為子

歲遷任十年丁母包氏憂將起復乞沐教許之家居

創祀先祠及校定時祀拜議謁儀節居家雜儀為子
孫規宅西構重屋度為籍日坐其上觀書覽勝東構
小軒瞰璵西泉石時從賓客觸咏其中給事嘗得拜
慶福壽姻族咸集公劇飲大醉歌吟笑呼甚樂也十
九年三月二十二日疾終于正寢先是宅前山巖崩
摧聲振林谷公嘆曰吾其當之歎至是果然配朱氏
累封淑人母儀婦道閨門楷則前九年卒與公合葬
于橫嶼山子男二長而玄應朱出由進士授令載職
次而玄會庶也女一孫男六嗚呼正統之末社稷非
景帝未知如何一時安攘之功卓矣所不趨者易儲一
事耳使當時廷臣有能直諫以身徇之則儲未必易
後有繼公連章僉諱必從乃以則儲可必復正月十
七日之變亦何自而萌柰何獨公憤發一言遂罹楚

豈意生全復躋顯位以功名考終而榮及後人忠
義之報如何哉蓋公孝友朴悻剛方坦易學問該洽
遇事敢言然皆政教大體匪訐匪誣厥後

景帝拒絕絕聞全護

兩宮其亦終有悟於公之言也夫彼棘蠅市虎摧鸞奸
大之輩徒猥瑣細故而於宗社安危綱常淪斃畧不
語及者皆公之罪人也漢汲長孺之剛直宋魯宗道
之骨鯁杜初公之勁氣直節以公方之亦奚媿哉春
秋有大美惡不厭其詞重復賜余於公之忠謹始終
言之其他文與行有過人者皆可畧銘曰人臣事君
忠謹是攄弼違繩正敢意全軀正統之末景泰之初
疇資衆善國幸無虞久安易玩乃惑佞說謂儲可易
斯為永裔兩宮嬖間倫宜寢疎有列言則責誰伏青

蕭侃侃恭毅獨矢厥謨曰茲孝友政教權輿矧惟國本
厥位可虛請復元良以敬天渝過不憚改度免淪胥
惟是逆耳遽罹寧拘備嘗楚毒屢絕而甦天久乃定
雲閣日舒

英皇復辟

今上復儲乃釋公繫深知獎譽乃貳宗伯橫金紵朱始
終一德不斲其觚袞闕是補網常是扶南都簡佐
帝命公祖曰匪均逸庸示楷模事有可言予惟汝俞荐
更西曹益勵廉隅功成勇退燕申泊知探竒覽勝觴
咏爲娛巖傾谷震神游清都後昆維美郵典尤殊墓
道有百鳩首免跌惟公學行宜不一書太史刻詞畧
其緒餘獨揭一忠以愧鄙夫越山可夷浙水可淤恭
毅之名天壤與俱

侍郎廖恭敏公言行錄

莊

尹侍郎直

廖莊字安止江西吉水人進士歷仕宣德成化間官至刑部左侍郎卒年六十三贈尚書謚恭敏

公初卓詭不凡弱冠中江西鄉試宣德五年林震榜

進士八年選工科庶吉士十年擢刑科給事中正統

六年陝石饑命往賑之公率以便宜從事賴以全活

甚衆比還尋所建白時東里楊公當國家人有不律

者公率同列抗章論其不職或曰獨不爲楊公地乎

曰此所以報公也八年大理寺官屬悉以事坐累命

公署寺事踰月擢大理寺左丞十一年陞南京大理

左少卿景泰五年上疏請朝謁南宮及加恩禮於

今上大意謂仕中朝十餘年間見

上皇臨朝遣使冊命於邠邸歲時令朝臣謁賀于東廊

上皇臨朝遣使冊命於郝郎歲時令朝臣謁賀于東廊

恩禮隆洽群下感動

上命臨居南內間安侍養大聞曠闕是非所以篤忠愛

友悌之誼慰天心而召和氣也且

上皇之子猶子也宜令親近儒臣講明經義輔成德器

以端國家之本以繫天下之心由是忤旨明年丁母

憂入見命捷於廷幾死明日謫河州定襄驛丞輿曳

就道天順元年

英廟復位召述為大理左少卿時母服未闋間外報遂

以情自陳命賜祭營蓋特恩也服闋調南京大理

寺五年陞南京禮部右侍郎七年調南京刑部成化

改元御史有言公於朝者公引咎請老

上獨知其故斥不聽而遷公刑部左侍郎且曰莊大節

可取公益竭誠奉職踰年以疾不起

上聞悼惜遣官賜祭有司治塋事贈刑部尚書謚恭敏
公為人直易表裏恒然性剛急詞氣激烈少不當意
輒面拆以則拆然雖間為深機者所中率不能自易
也廣廷大議棘棘不撓及以言被罪名稱奪甚四方
想聞其丰采然不子才為異飭細行以取譽接對異
士類不見有纖毫貴勢態尤甚於鄉里故舊營護拯
拔極其力之所至賓至色商豆肉輒與為權無一食
不對賓客既為法官所親或勸稍謙往來遠嬖議公
咲曰昔人有言臣門如市臣心如水吾無愧吾心而已
沒之日無以為歛鬻居第供費歷時不能償鄉之仕
於朝者相與裒助假貸以佐之於是足以見公之平
生蓋賢於世之深情厚貌事邊幅者遠矣故河東文
靖薛公謂公於議論之識獨能其遠大者大者真知

言哉 並彭教授墓志

尹直贊曰知識遠大胸次坦平早列諫垣歷贊司刑
昌言讜議人紀天經熟謂鳴湯乃致批鱗廷挺幾墮
既備乃興大節可取天語褒榮章鍾同傳聰炳汗青

監察御史鍾公言行錄 同

楊尚寶 庶

鍾同字世京江西永豐人第進士歷仕景泰間官御
史以直諫死錦衣獄年三十二天順初初追贈大理寺
左丞世京鮑庭訓踐孝友培忠義之基厚矣景泰庚
午領鄉書明年登進士拜貴州道監察御史風采壁
立嘗因待漏與儀制郎中章公綸期論易儲事願獻
狄梁公之誠脫受比干之慘無所憾詞氣嚴正繼之
以泣綸亦慨然以身許之 年 月 日公疏上言
宗社之本在儲位宜復不宜緩兼陳一切弊政聞者

清薛公謂公於議論之識獨能其遠大者大者真知

毛竦咸度事牢難破勢重莫移趨其朔陽鳴鳳而危
其手犯逆鱗既而綸疏隨入并收下錦衣獄
年
月
日公死焉蓋知有其國不知有其身也

英宗復辟下詔謂其忠誠義氣貫于金石追贈奉政大
夫大理寺丞左官其長子啓知縣當今

皇上亦謂其死于忠義詔祿其妻羅氏官其次子通
政司知事先是世京遺骸猶在園土啓陳情乞得歸
塋浪田之陽頽年鵲巢立木累產白雛喙距紅而異
常人以為精神所感故名其地為忠義鄉

利也天道義也君臣首揭三綱攸叙五倫七徵有生
罔不同具虫虫衆人氣拘物蔽三五凝精惟公獲粹
中芳虛靈善芳由備載帥以志載充以氣充矣謹言
天下大計自然雷霆弗驚弗惧倚與那與孰不有死

林林總總草木芙蓉靡靡龍逢比干雖死不死於昭上帝

林林總總草木萎靡龍逢比干雖死不死於昭上帝
乃眷乃顧湛恩寵洪爰及後裔巍巍泰華中柱天地
耿耿列星垂耀萬世高明接忠義輝
御史鍾同之死刑部侍郎林鶚之好禮其烈與嚴美
矣名臣替錄

兵部尚書程襄毅公墓志銘信 劉文和公

成化己亥秋九月二十有七日南京致仕兵部尚書
兼大理寺卿休寧程公卒于正寢有司以訃聞詔贈
太子少保謚襄毅遣官諭祭營葬朝紳或曰公一代
人豪而今已矣可惜雖然朝廷于其生加以旁秩于
其休褒以壘書于其沒優以卹典且有象賢之子昌
大其業是公雖死從不死可謂無遺憾矣既而其子
敏政慟謂予曰先生交先君子三十餘年僕又曾聆

先生一日之教茲墓中誌銘敢以為托乃誌曰公諱
信字彥實世居徽之休寧其先聞臣大儒載在簡冊
可考高祖諱社元至正末用薦者起為承奉班都知
不赴魯祖諱吉輔兩世妣皆吳氏祖諱社壽國朝洪
武中謫居河間考諱晟俱以公貴贈兵部尚書兼大
理卿祖妣汪氏妣張氏俱贈夫人公以易經中正統
辛酉天順府鄉試明年第進士授吏科給事中己己
英廟北征公偕廷臣上疏諫止不報己而師潰上木虜
遂南侵京師戒嚴命公守西城上言五事曰新虜今
以振軍威募勇敢以備警急召勤王以道南征侵設
武備以防內變養銳氣以備戰守皆見采納虜酋也先
自西山一帶進薄都城都督孫鐘禦之失利乞領衆
入城公堅持不可躬督諸軍自城上以火鎗礮石鼓

入城公堅持不可躬督諸軍自城上以火鎗礮石鼓
譟為鐘援虜引去景泰紀元命公充副使持節丹封
華陽王妃凡王府有餽遺悉知之歸沮左給事中辛

未九月

英廟還自迤北居南宮公復上中興固本十事曰敬天
求賢納諫謹災節用詳刑選將練兵尚儉隆師而敬
天一事則當時天象屢變請

景泰帝隆孝友之實以答天心之仁爰聞者壯之壬申
陞山東右叅政總理遼東邊餉巡撫都御史奏倉官
更卒盜糧石以上者死乃造新斛視舊加二寸付公
公立碎而大之曰使彼真盜死不足卹今故為此斛
置人於死地豈情也哉遼卒至今能道其事會以憂
去轉四川分巡所至問民疾苦松潘夷人作亂公偕
侍郎羅綺進攻破其黑虎諸寨天順丁丑

英廟復辟公奉表入賀時方錄景泰間上言之人遂留
公為大僕卿遼東巡撫缺員陞公都察院左僉都御
史賜勅以行守將海寧伯董興姻聯曹欽公一切裁
之以正又造戰軍創義倉行贖罪法設月輪簿比百
魏令一新建州夷酋董山潛結朝鮮公使土官佟成
授以成美往廉之朝得難授董山中樞院使制書以
還公跪曰乘其未發急遣二使問之可伐其謀朝廷
亟命一給事往朝鮮一錦衣譯者往建州丙酋初不
肯承出制書示之咸相顧愕然各貢馬謝罪虜酋字
來襲裒款入寇自率師巡邊嘗於境外者凡三月得
風濕之疾自其始都指揮夏霖事多不法與董興相
結納僉事胡鼎按其罪四十公以狀聞詔中官及錦
衣郭指揮逮霖而籍之不意中途受賂乃奏虛實相

半都御史寇深因併劾。公輕聽胡僉事言，調京南。太僕少卿刑部缺，堂上官廷臣言非公不可，召陞右侍郎，尋以憂述河間。

今上皇帝即位，起復公于兵部，又轉左。成化丁亥，四川貴州山都掌壘據大壩山等之險，叛服不常。陞公尚書提督軍務，與襄城伯李瑾統番漢兵討之。公至永寧，自督大軍入金鷲池，又分四路兵，期會于大壩。將士依公方畧，用神銃勁弩攻賊，賊不能支，連破二十餘寨，獲銅鼓數十，斬首五千級，生擒二千餘人。賊復走入深洞，公命軍士以土石塞其門，以兵圍之。月餘，賊死洞中，莫十餘里。又陰察九姓土獠之附于賊者，還師撲之，未及一載，都掌悉平。又布置衙門邊事，以定凱還。進兼大理卿，有白金綵幣襲衣之賜。前此公營大

壩凡兩月淫雨不時瘴癘荐興舊恙復作至是四上
疏請老便不允辛卯春

上以雨雪不降求言公上言兵事可更張者四兵弊可
伸理者五詔下所司執政者難之未幾三邊有事悉
如公所料南京缺餼贊機務大臣廷臣文章薦公
爲宜

上允所請公至南京適慧出軒轅乃與六卿會議復上
言興利除害三十餘事多見諸行他若汰貪縱脩舊
典可書者尚多在南京叅贊已四載復疏乞休

上重違志賜勅還鄉有疾若若體其勿久安于家之語
明年公還休寧里第又四年諫世距其生則永樂丁
酉閏五月十六日得壽六十有三葬邑東南南山之
原配林氏累封夫人子男三長即敏政成化丙戌進

原配林氏累封夫人子男三長兩敏政成化丙戌進

士及第授翰林編脩累陞左春坊諭德學行為時
所嘉次敏德太學生次敏行孫男三堽圻塏嗚呼公
儀觀魁偉性資剛果六籍百子無不涉獵為詩文畧
不經意而雄渾可傳事親孝少時嘗力耕以養居憂
廬墓側有芝產之瑞教子弟嚴而有方待內外親族
恩義兼盡遇故人子矜恤振振惟恐不及凡百玩物
一不以掛目為諫官知無不言言必達大体而嫉惡
太嚴佐兩藩及法司必以敬正輔長官不隱忍坐視
以為賢掌兩京兵政及征伐俱有成績又能任怨南
京守臣或欲預錢穀詞訟公曰守備機務所以謹非
常若此乃有司之事也斷不可預論者以為得體征川
貴時詔以便宜之權付公公自發兵至凱還不爵一
人不赦一人同事者以為言公曰刑賞人主之大柄

懼聞外事不集而假之人若幸而事集又竊弄之豈
人臣之道也論者又曰此古名臣之心名臣之言可
以為後世法若今敏政輩進進未已能昌大其業安
知天之報公不在此耶魏晴洲釣者有晴洲集若干
卷藏于家銘曰於惟襄毅晉臣之系宋儒之裔豪傑
其才剛大其氣於昭襄毅

科第高登祿位

馴致兵刑聿司留鑰是寄果哉襄毅衆方棼棼我
獨易易不數言間能決大議滯我襄毅車轍所至吾
民獲利威震蠻夷名揚當世無憂襄毅文事武備有
人承繼誕昌前烈引而弗替無憾襄毅善始令終
皇恩特異歸于南山岳休千祀

興化知府岳君墓誌銘

正

葉文莊公盛

英宗皇帝既復辟宥密之臣累出親擢其第五人則吾

英宗皇帝既復辟宥密之臣累出觀擢其第五人則吾

交燕山岳君正也君固奇士而王吏部忠肅公又嘗
亟稱其賢

上雅重之君亦自幸魚水之遭凡所陳請所撰述所對
答竭尽忠蓋多稱奇一日湯序言變異將以古法進

云嘉臣未盡之故

上以問君君叩首曰嘉臣未聞求之將人人自危况序

術流淺宜不足信

上悅特召曹二僧勢方張君虞其將來必不尽請因極

言於

上前且退而面問導之使為保全計二僧雖陽喏好辭

中實銜之蓋未幾君之社作也

上猶惜君甚止出為欽州同知既又追及逮繫責成其

肅之鎮夷二僧尋踵敗

上惻然有思曰岳正言是也召還將復有所用而龍馭
上升矣成化初君居母憂服闋御史有言當急召用
君以勸忠詔仍元職吏部言當調南京有旨其勿調
命充經筵講官纂脩本朝實錄適兵部清黃官缺部
院大臣會薦君遂以成化元年四月俾知興化府以
行君在官生財惠民始詳而終暇魏賢守有司者
或不知礼君君迺有歸志歲己丑來朝請致仕家居
越三載為成化八年九月十一日疾卒得年五十五
公卿以下皆往吊哭莫不嗟悼曰岳先生亡矣君字
季方別號蒙泉畿內瀋縣人曾祖德甫祖思民銘父
興懷遠將軍輕車都尉府軍前衛指揮同知母太淑人
劉氏君少年已能孝有名二十一領鄉薦卒業太學
正統戊辰會試同考謾寔落卷中侍講杜寧徃驚其

文以為此吾輩中人遂占首選廷試第三名授翰林
編脩景泰三年陞右春坊贊善兼編脩天順初元改
脩撰是年六月被命入內閣叅預機務及其得罪去
僅一月耳君偉貌美髯言論灑灑動循矩度居家孝
弟交朋友有始終之誼平生性剛而志高抱負經濟
不輕屈下人有古豪傑之風石曹事或迂議之且以
未信為言直應之曰何得以諫官處我我道當如是
其篤於自信如此人有不可意事雖權貴人當言即言
之無宿藏而人不之察以故愛君者雖多卒不能勝
夫嫉君者之屢也配宋氏儒人側室周氏子男二增
堂皆大女六長許嫁而卒已嫁者婿朱臬生負李經
翰林編脩李東陽餘未行君之學精博旁熟莊騷至
方外度數諸書無所不窺所著經解務出新意多儒

先所未發惟深不纂誤成書文章有類博稿若下卷
書法晉唐可名家嗚呼美才如君即特置華要

先皇帝之明也中間蹇連坎珂有若不堪康者然觀君
今日之金緋在躬考終牖下自非

先皇帝

今皇帝之明且仁則雖欲得此難矣若是者在君其亦

可以無憾哉以卒之年十一月十一日葬祖塋之側

君之兄端府軍千戶祥哀君無子率循子坪培均坦

痛長號嚮予乞銘予為作銘慰答之亦以慰君於地

下烏爾銘曰古有李白其人亡嗣亦有柳州擯斥以

死其名之長弗繫乎此

侍郎葉文莊公言行錄

盛
楊尚實廉

葉盛字與中直隸崑山人第進士歷仕正統成化間

葉盛字與中直隸范山人第進士歷任正統成化間

官至吏部侍郎卒年五十五謚文莊

公授兵科給事中己巳之變公率同列劾將臣扈從者失律敗事請誅夷之以謝天下然後選將練兵以復不共戴天之讐如此則大綱以正大義以明時邊境未寧大臣有奏留邊將守京師者公言今日之事邊關為急往者獨石馬營不棄則六師何以隔土木紫荆白羊不破則虜騎何以薄都城急宜遣固守宣府居庸為便已而河南陳州流民扇動命公往視公即兼程以進除貪虐賑饑寒民用安輯

景泰元年八月北虜送駕還京將入關矣有隱名具帖言迎復事者大臣見之顧忌不敢舉公曰此野人無情之言達于上感動必矣或洪以匿名書公不顧具疏言之有旨令尚書胡濙封進帖雖留中而正論有

不抵焉

遷山西布政司右叅政協贊獨石等處軍務先是獨
石馬營八城遇虜失守殘破未復公列其利害可興
葺者爲八條以進次第罷行之八城旣設暖舖以便
行旅均蔬圃以給將士制度品式纖悉備具而又請
官銀五千兩買牛千餘頭摘戍卒不任戰者俾事耕
稼歲課糧于官凡軍中買馬勞功恤貧諸費皆於
是乎取給自是邊人歡洽歲亦屢登以外艱去擢右
僉都御史巡撫兩廣公乞終制不允至廣興利葺弊
尤盡厥心請許鹽商計鹽多寡入米餉邊而後出境
公私兩利之

成化八年北虜出沒河套爲西邊患有言增兵守險者有
言大舉搜套驅出河外沿河築城堡抵東勝徙民耕

守其中者公為吏部侍郎受命往議方畧奏言搜河
套復東勝此皆事勢所難惟增兵守險可為遠圖宜
令守臣剴削邊墻增築城堡收新軍以貫邊戍士兵
以勅守此不但可責近效而亦足為長便也從之
公溫雅簡重崇道誼尚名節言動思跂古人居家悃
孝及蒞官清慎動恪設施不苟與僚友論事不激不
隨其取人先行檢而後才藝終不及人之過公退手
不釋卷考古辯疑殆忘寢食而於世俗聲色財利之
好澹然不以經心惜乎大用未究而卒
顯允文莊萬夫之特博學宏詞忠言遠識君子焉依
樂善無斁給事青瑣以登憲職樞紘朔望南保釐勿
失吏禮之貳德音秩秩希文不相古今所惜

彭韶贊

成化八年北虜出沒河套為西邊患有言以兵屯陝者不
言大舉搜套驅出河外沿河築城堡抵東勝從民耕

皇明名臣琬琰錄卷之十二

恭順侯忠壯吳公神道碑銘 李文達公 賈

天順辛巳逆賊曹欽謀為不軌潛俟七月三日早朝
入內為亂恭順侯吳公先於是夜一鼓聞之即與其
第廣義伯琮約總兵懷 寧伯孫鐘走詣長安門
告變於是禁門不啓賊計遂窮舉火燒禁門公等率
兵勦殺奮不顧身賊雖誅滅公已捐軀矣嗚呼先機
告變公之忠也殺賊喪元公之勇也然則逆賊之敗
豈非公之功乎

皇上聞公之歿哀悼殊深輟視朝一日追封涼國公謚
忠壯凡秘器諭祭聘儀之類悉從厚典復命有司為
營塚塋以安壙之蓋痛念勛戚之臣為社稷而死故報
功之典倍蓰尋常也既而琮詣予泣且告曰先兄不

幸歿於鋒鏑茲欲立石墓前以白於世非先生之文
不可辭弗獲按通政司叅議趙君昂之狀公諱璋字
廷璋其先西涼人祖諱允誠宋樂中累以戰功封恭
順伯父諱克忠嗣伯爵洪熙初以戚里恩進封恭順
侯正統甲子以征虜功加太子太保己巳秋禦寇北
邊力戰而死追封邠國公謚壯勇母楊氏封邠國夫
人叔父克勤官至左軍都督府左都督亦同兄沒于
陣追封遵化伯謚僖敏公生而英銳襟度爽闊親賢
好善未嘗以門第驕人以故縉紳士大夫樂與之游
相與議論古今講說道義而公頗能識其旨趣尤閑
武藝精騎射方其父叔禦虜之際公亦在津中發矢
射虜洎父叔矢盡而亡公始就執其酋長念公忠義
之後釋之乃還京遂嗣父爵天順改元

皇上復位公以勳戚隨侍應對稱旨自是日備顧問奏

皇上復位公以勳戚隨侍應對稱旨自是日備顧問賚
予甚厚尋命理左軍都督府事公益感激夙夜效勤
一旦遭變委身則其允蹈忠義視乃父乃叔為無媿
矣公生於永樂癸巳十二月一日享年四十有九配
李氏故會寧伯之女有淑行封侯夫人生子男三長
曰鑑次曰鏞次曰錫遵化公之子十以是年八月
日葬公於順天府房山縣之新莊從先兆也銘曰世
祿之家忠義無幾有若吳門辰也無比彼美忠壯虎
視眈眈遵化之姪亦公之男忠以拘軀壯以禦侮相
維如歸光照中土飭終追榮惟

帝之恩非

帝之私惟以報勳閣矣泉宮西山之麓秘器旅陳亨碑
載陸仁者有後公則成仁銘以嘖之可千萬春

左都御史寇莊愍公神道碑銘 從 同前

都御史乃糾愆絕違之任總憲度肅百僚權奸之所
最忌者寇公居是職五年矣持法嚴明見逆賊曹欽
父子兄弟恣意妄為乃率御史劾之欽等遂行及逆
首害公賊雖誅滅公命殞矣朝廷震悼特贈以保謚
莊愍加賜賻儀遣官諭祭令有司為營安墓蓋深念
任事之臣遭此凶禍而恤典宜厚也其子林泣且告
曰先人不辜弗獲全歸而墓石之銘不可以無記敢
固以請辭弗釋按知府張祝狀公諱深字之淵其先
山西渾源人世多顯宦曾祖廣社元為提舉有才行
見寵於世祖為擇宣寧縣黑虎鎮之乾河里俾居之至
國朝洪武初以閭右給省檄過保定唐縣止連頓座
見其風土之美因占籍焉今為保定人祖彥和父禮

國朝洪武初以隆石終卷檢遺任
見其風土之美因占籍焉今為保定人祖彥和父禮

俱以公貴贈資善大夫都察院左都御史祖妣宋氏
妣李氏俱贈夫人公自幼警發永樂中為郡庠生上
言時務朝廷竒其人召入胄監特山東要路軍需錢
穀有弊政遣中貴人陳保孫往廉之求國子生精敏
者同事得公甚喜宣德初擢刑部主事有勤能之譽
尋陞員外郎丁外艱服闋復任益盡心刑獄凡疑獄
人不能辯者必屬公正統甲子用執政薦陞山西按
察司副使時天久不雨朝廷念刑獄有冤抑者特委
公隸山西諸郡大辟囚公察其情有矜疑者五十餘
人悉奏釋之又上邊務數十事多見未納丙寅四川
松潘夷不靖守臣請出師勅之朝廷念撫治者非其
人乃命廷臣推有風力者僉謂公可即曰召至京師
拜都察院右僉都御史以往遂破賊寨擒其渠魁送

京師諸番警伏獻盔甲刀劍三千童男三十七人駿
馬四百餘匹繼後入貢不絕公暇則撫恤士卒相
地要害築閔堡城池六十處道路險峻者咸削之平
便儲運番夷酋長或率其黨來見公宣布朝廷威德
且諭以享福之道莫不感化地方底寧朝廷嘉公之
能進左副都御史加食二品祿綵幣白金之賚甚厚
一日得母報平安書潸然出涕曰老母在堂久曠定
省安能為懷即上章懇乞終養朝廷優詔慰而留之
景泰辛未召公還特加獎勞番人乞留者十有七奏
不從朱諭月提督遼東軍務缺人廷議復屬公遂假
公以便宜之權賜白金綵幣慰勉以往公至遼左威
名益振乃積糧練兵畫防禦守備之計中外守臣咸
敬畏之海賊李福挾妖術以惑山東之民聚衆萬人

公得報畧不改容乃親率數百騎直抵海州遣副將

公得報畧不改容乃親率數百騎直抵海州遣都指揮周英授以成筭捕之遂獲千餘人公詰其造亂之由得首惡者二十餘人械至京師餘皆釋之景泰甲戌北虜入境會總戎得公所議巡邊之策因其勢便斬首賊七十餘級獲馬六百餘匹公在邊歲久思親益切或與同事者言及母老輒流涕終日不食累上章乞歸不允丙子得還京議邊事時母年九十有四已感風疾曰吾得見吾兒即瞑目矣公悲泣懇求歸省至家母一見而逝公哀毀踰禮朝廷起公復任乞終制章凡三上不允天順改元

皇上復位乃許公終制時臺長缺人思臣僚中老成剛勁無踰公者起復公視事進左都御史公威望日隆百僚敬憚

上深嘉之寵賚優厚嘗召公咨訪政務但加老字於姓
上呼之而不名蓋重公也公天性至孝雖居顯仕惟
以不得養親爲歎諳於世故凡本朝舊典歷歷能記
聽獄果斷人服其明未老即以家事付林綜理曰吾
受朝廷重託惟職務是盡餘不恤也生於洪武癸酉
五月七日沒于天順辛巳七月二日得壽六十有九
配李氏累贈夫人生子男三長即林國子生次彬次
桂卜是年十一月二十四日與夫人合葬于連順西
岡之陽銘曰惟錐在囊脫穎斯見惟楠在壑昂霄可
羨彼物且然而況於人惟人之傑衆孰與倫侃侃冠
公早有大負敬歷仕途才智稱首兩鎮邊陲邊塵不
揚入總臺憲大振朝綱賊奸忌之竟爲所害恤與有
加遺澤未艾惟孝與忠在父則崇有志不餒名位攸

隆墓碑哉哉昭此行實永閱泉臺昌其有極

姚冢宰誅并序

姚

楊文懿公守陳

成化九年二月九日太子少保兼吏部尚書桐廬姚
公薨于長安里第其子兵部尚中璧奉柩以歸為呼
哀哉公諱夔字大章正統中鄉試省試皆第一遂為
進士擢吏科給事中

英朝北巡國勢方岌岌羣臣議專

景泰帝公贊其決虜犯都城符召遼宣二藩倚角賊駭
而遁公預其謀超陟南京刑部右侍郎轉禮部被命
考官雲南三載奏績留任禮部

景泰帝疾甚其部之長在告公強之出率百官詣闕問

安退集東閣公倡言復太子衆翕然議定俄而

英朝復位時方征苗又誣獄連襄府懼有變迺詔班師

慰王中外大安蓋公之策也既而不悅於用事者復
遷南京無何

上思其忠驛石至京拜禮部左侍郎轉吏部尋陟禮部
尚書國家類歲多凶吉大禮或常或變公皆據古酌
今裁定允當嘗知貢舉刻革舊弊有得士之稱今
上崩統之初及戊子星變及慈懿太后之葬公皆草疏
率百官上之有曰節嗜慾以保躬脩禮法以齊家出
入有妨燕遊有度官爵勿濫授金帛勿虛費土木勿
妄興齋醮勿頻設又曰均愛六宮以繫子姓親決萬
幾以臨臣民近君子遠小人皆人所不敢言者至謂
山陵宗廟聖孝所先綱常倫典國家攸重慈懿之葬
或違典禮在庭百辟將有言之宗室親藩將有言之
天下后世將有言之能保將來無據禮而改正者乎

世不傳誦其言拜部吏尚書繼加太子少保先是藩
臬由臺省會舉臺省由

天子親臨吏部僅選守令以下耳公至乃悉委之連舉
臺省藩臬十數皆稱職輿服其公明公信自益日思
進賢退不肖以臻治平庚寅旱霍幸卯慧見壬辰南
方大水皆公上疏條陳天下大利弊之行罷者以十
數多納而施行每議典禮大政事衆環視莫敢先
或甲可乙否公徐一言以決

上益信任嘗以災異兩乞歸不允北疾遣上醫進藥中
貴遺宰禮既薨賜賻祭塋贈榮祿大夫少保謚文敏
嗚呼自古優於政者多劣於文高其名者或痺其位
騁之前者既蹶之後通于身者或塞于子而公無一
歎焉獨年齡未及乎耄期勲業未臻于極致故上

下多悼惜之走也少欽莫譽鼓而望之長挹令儀輒
被知遇恒時觴咏笑談忘乎位與齒之懸也熟謂公
遽棄而殂哉哀嘆方殷而壁以誄請是安可辭遂作
誄曰越有大江其名粵浙怒潮驚濤轟霆湧雪其上
羣山崢嶸巖嶺紫蓋錦峯富麗尤絕聚靈鍾神千載
一發篤生姚公問世之傑儀容魁岸識量廣恢烏有
鸞鶴馬惟龍駉百氏淹貫六行且該瑚璉之器棟樑
之材鄉書省選連奪倫魁文播天下厥聲若雷遂登
甲第在中給事有皂其囊可否獻替大輅北巡儲宮
猶稱國親長君社稷之利發言盈庭首胤疑避公奮
而前遂決其議虜犯京城國若䟽旒贅謀夫孔多將怯
兵脆公請發符窺閭遣銳徵兩藩兵刻其並萃倚而
角之其畏弗斲先聲所臨電閃雲際虜聞震驚遁

迺荒裔錯節既遇利器迺稱擢居重任舊都亞卿用
刑惟恤典礼惟清察官遐逝黜陟幽明入奏厥績留
居于京不擇夷險以篤忠貞倡議復儲獻謀安荆視
竈弗媚復南其行不遠而復天寵荐增遷義天官陟
大宗伯恭敬神祇柔無夷狄

先帝陟天嗣皇登極大禮便蕃動皆中式一生禮闈令
行弊革奸倖既驅譽髦斯得屢草章疏以率羣辟並
拜僭進匪朝伊夕自內而外鉅細休戚備談極陳以
匡聖德暨論山陵明盡懇直上回天心卒正兆域進
位冢宰寅亮天工內自卿署外達藩邦不遠胄子小
大窮通孰哲孰否疇勤疇備旌別進退衡平鑑空誓
登英傑驅去妄庸庶官稱職民安歲豐時多災異公
心忡忡屢獻大計以輸至忠豈其憂瘁竟殞厥躬鳴

呼哀哉昔歲有彗西及台衡去冬長至天雨水冰何
期妖孽殲我老成訃聞哀極哀軫聖情贈謚祭葬賜賻
與并百御辟士長嘆失声姻戚舊故兩涕填膺昔余
髫髻已知公名長而翹企鳳凰星景壯登翰苑幸抱
儀刑高位宿齒獎掖後生賡歌酣嬉懼若舊盟六元
方會一老遽薨俯仰今昔能不淚零嗚呼哀哉憶公
立朝百官僚之上屹若泰山萬峯環向奄云其類衆
所安仰國有大事事有大疑衆皆視公金鼓蒼龜遽
云殂謝其疇之歸崇善應變尤轉無滯琦有奇骨可
屬大事公最似之今也則逝相條便宜漢宣中興沈
陳災異宋真守城公將五之今歸于冥萬方元元誰
惠誰撫九重穆穆孰匡孰輔如何昊天弗吊下土嗚
呼哀哉吉日攸召灵輜咨行祖奠載道執紼傾成素

驥躡丹旄悠揚春雲慘淡旭日淒涼渺渺長路蕭
蕭故鄉黃腸下定玉樹埋藏佳城鬱鬱長夜茫茫
芻狗灰滅石麟薜荔寒露碧草悲風白楊鴉啼鴛嘯
狐狸跳梁雍門之言萬古悽愴嗚呼哀哉

吏部侍郎范公墓誌銘

理

同前

公諱理字道濟一字士倫號菴宋太傅覺民之後
世居台州自臨海徙天台又九葉矣祖諱彥善考諱
起宗皆以公貴贈正奉大夫正治卿貴州左布政使
祖妣陳氏妣潘氏皆贈夫人公少敏悟端凝佔畢一
呻輒能記縣官嘗以聖壽節習儀鼓吹旗仗喧簇整
小生羣往觀公獨若無所聞坐誦不輟衆異之長爲
縣學生傳書三文山畜水滂譽髦皆自謂弗如甫踰
冠中鄉試第一會試第三皆有文毅之梓擢壬戌進

士高第

宣宗嘗召諸進士至齊宮親試用以得其才論公居第
二賜白金五兩楮幣五十緡既而例歸省還朝時重
守令之選拜知江陵縣作榜文諭民懇切且明盡民
口熟之縣常四方之衝過客旁午公嚴禁令雖權貴
無敢如一錢先是民累歲負租至十四萬石都御史
徵之嚴公以民貧不能償也乃召將卒求之佃田覩
畸零戶者論之曰世言戶役既佃田立戶而免役可
乎遂定其等俾各出募役之未因以償負租畢完且
平訟誣勸樹畜卹窮振弱禁奸招逋訪孝子節婦及
忠賢之裔謹學校正禮俗民慶未始得也以舊令優
遽去用薦知德安府亦先榜諭吏民大率如江陵教
養之政後悉踐其言每歲必再按屬以省耕收蕪利弊

每季必命題試諸生而第之拔其尤寘府後堂暇輒躬爲其師道隨州民數百家田爲楚府護衛所占猶輸租公備奏盡歸其田民感甚皆立主而生祀之滿去以最異超陟福建布政使時大兵勦賊鄧茂七等公司饋餉善調度兵皆給食民不如賊朝廷嘉其功賜綵幣表裏各一楮幣千丁漕夫人憂起家拜貴州左布政使初貴州草創即驛爲布政司以夷之難擾也久莫能改作公奏徙貴州前衛於他所以其地造司數百楹不擾而就土官無訾弗能襲職者十五六公悉俾襲吏無敢難常移文以通夷情間抗章以蠲逋稅餉兵春以糧秋以銀便省漕四川湖廣饋糧貴州艱甚公俾代糧以銀爲之糴減時直十二貴民既獲利而川廣被惠尤溥秩滿擢南京工部左侍郎南

京創自國初歲久凡百皆幣葺造費鉅公不欲煩民
迺請鬻廬場之新葺抽分局之腐木碎碎炭內府庫之
苦瓊布帛通售銀殆萬兩又請南畿獄囚贖者隨葺
造所需而納於是自效廟宮殿內外諸署城樓街表
或造或葺動輒百千間既脩巡戰諸船數百兵食諸
器數萬皆以次成而民不知又奏各處饋南京糧者
自船抵倉多所費每米石費三斗請兵就其船人支
三月之餉官取費未歲可萬石以備賑貸從之果利
尋轉南京吏部左侍郎考課公明白百僚憚之嘗請
老至再不允滿考赴京途遇疾輿就其子進士綱之
第輒舉手加額曰無以報朝廷無以報朝廷遂薨成
化癸巳五月四日也壽六十四

上聞嗟悼命有司祭葬之公配湯氏累封夫人先公卒

葬于縣西長洋之原公以薨之年八月日合葬焉
子男六長綱次即綱次純次曾同次昌齡蔭國子生
次玄齡補縣學生女二人孫男女十人公早孤事潘
夫人孝康昆弟友居官清慎忠勤凡政皆精慮而果
行之一以惠利為主故江陵總七閱月而去之日民
遮阻不克則奔餞數千里慟哭而返少保楊文定公
溥聞之曰世有為縣七月遽得民如此怡愉各書所
薦皆公名公馬謂公賢而文宜督學之職文定公曰
縣既得民矣俾任民牧尤宜馬公諾合詞以聞迺有
德安之陟逮其去德安去貴州也民袒餞如江陵尤
甚德安又勒去思碑於府治焉自庚戌逮今同時輦
行無在者歸若魯靈光之獨存而得業聞望隱然動
天下殆書所謂耆壽俊史所謂名大臣者其為文章

操紙筆立就率溫厚坦明深切事理嘗著讀史補忘
天台要畧皆八卷詩經集解三卷德安府志冊台稿
皆十卷藏于家網將奉柩還葬乃具狀泣請余曰先
君治命固以銘屬先生嗚呼余童而墓公壯被知愛
深矣公嘗入賀萬壽節退燕余第同燕者今戶部尚
書兼翰林院學士高公故太子少保兼吏部尚書贈
少保姚公敏公國子生故盧君楷今余弟守陞凡六
人皆浙解元也三公勲德位望冠當世而公與文敏
對居兩京天官豈惟浙之儀固四海之表也今文敏
殂矣公又繼之悲感可勝道哉銘固晚生之職也况
公治命其敢辭銘曰太公國齊簡禮從俗僅五月終
報政何速公爲江陵政非呂望加其二月仁滂惠洋
去不能馳釋老遮阻執袂號啼如于夫黃霸守

去不能馳釋老老遮一阻執袂魏端如于夫女黃霸宇

郡治莫與夷及為丞相勲烈小虧公自令長郡守方
伯入副尚書居守是職材非偏長所在有績於赫厥
聲不損彌益晚秀獨揚行輩凋盡一老之遺天胡不
慙有馨其俎有澤其封皆

帝之賜恩榮始終有赤城萬古艱只公之公休光庶

或與比

毛宗吉傳

吉

同前

毛宗吉餘姚人也名吉自少攻文學尚氣義言論侃
侃不以屈舉進士授刑部廣東司主事嚴明廉鯁訊
因多立驗權貴無敢撓之苞苴錐牛號一縷必峻却
山東人有居京者女歸婿友目令女逸匿之山東因
誣婿殺其女權嬖右之婿誣伏生死獄疑當讞已更
數司閱數歲適宗吉讞得其情密訪女獲之婿乃免

一部推服京城姦民有畫竊人家貨賄謾途人剪其
囊者諺呼小李宗吉捕得其魁蠶死之其黨稍戢錦
衣衛卒道百司鈎據傳政書片楮以聞輒報何至有
被誣坐族者公卿皆重足待之干請必徇然或犯罪
例入廣東司莫敢孰何宗吉獨法治之如他犯指揮
門達帖寵擅威福能生死人在俄頃百官遇之途皆
躍馬避恐後宗吉獨與舉鞭抗揖於是皆銜之頃其
過百方無所獲一日宗吉以失朝下錦衣獄衛卒群
吠賈之宗吉徐曰有國法在爾曹柰我何達聞益怒
嗾健卒掄巨挺挺之見骨幾死猶行行自得療數月
方愈入語之盡必貶徇俗宗吉笑不應復職一如故
輿論賢之名聲籍甚陞廣東按察司僉事分巡潮惠
二府黜墨吏摧強宗珍海寇民用寧輯期滿代還民

乞更巡一載從之劇賊楊輝據程鄉縣之寶龍峒其

乞更巡一載從之劇賊楊輝據程鄉縣之寶龍峒其
黨曾玉謝瑩分據石坑龍歸二峒西山剽虜刻期攻
縣治宗吉曰先人能奪人之心亟調官軍集民壯僅
七百人倍道馳至石坑賊三千人出拒宗吉定計令
兵佯退以致之賊躍而進乃督兵殊死戰良久虜伏
兵起遂克之縛曾玉明日乘勝破龍歸擒謝瑩又明
日攻寶龍賊伏山上篁竹間發弩矢我軍阻深谷弗
克進宗吉乃簡敢死士百人人懷十石子從間舉道
攀蘿陟篁竹後投石子亂擊之楊輝磔餘衆驚潰凡
故三峒斬首五百級俘六千人獲白金八千餘兩他
物稱是奏未報時廣西蠻賊滋蔓高雷廉三府尤苦
之衆推宗吉徃巡道路榛塞村落為墟數百里無人
烟攬轡四顧悲且憤慨然有削平禍亂之志至廉州

內官監珠池者方繫民數十人徵賄箠擊幾死宗吉
嘆曰民幸不死于賊者又死於此何忍也遂盡釋之
凡黨內官悉寘之法衆口稱快至雷州報賊劫大者
體村遽檄都指揮石鼎出繫鼎懦不敢宗吉素知海
康縣知縣王麒忠邊可任即命麒率民壯僭繫賊走
之斬首數百級奪還人畜無筭賊人吳川縣分爲三
其一由水道宗吉覘知復知命麒舟兵追破之其二
聞漬去相戒勿犯自是部內稍寧因條平賊方畧奏
之

上嘉嘆陞本司副使降勅獎諭委總廣東軍務宗吉益
感激思報以滅賊爲己任惠州河源縣告急即兼程
進兵敗之舖前又敗之長峰徑口賊遁至清遠縣守
將都督僉事張通遇之戰北宗吉亟進援賊見其幟

呼曰毛家軍來矣遂奔潰此斬首三百級奪還人畜

將都督僉事張通遇之戰北宗吉亞進援賊見其幟

呼曰毛家軍來矣遂奔潰北斬首三百級奪還人畜
數千踰月廣州新會縣告急宗告提兵至燈火斬賊
首數十級賊遁入湯江縣營于雲岫山任峒我師夕
至比明繫敗之賊棄營走山下上師但勝突入其營
陣亂賊乘之刺殺前驅潘百尹有哨指揮闕華師遂
潰宗吉勒馬持刀大呼曰劄住劄住潰已不可遏從
騎勸宗吉退避宗吉此曰爾去吾誓不與此賊皆生
益奪而前揮刀砍賊不已力屈被害成化元年三月一
日也是日晝夜晦烈風雷大作山谷皆震動喻七日
得屍貌猶若生灑還官吏士民吊哭祭奠相屬事聞
贈通議大夫廣東按察司按察使遣廷臣諭祭賜其
家米四十斛布四十疋錄其子科為國子生論曰嗚呼
兩廣之毒一何酷耶自昔任邊事者賊至偽不聞聞

亦不徃徃亦不戰戰亦不力甚者十餘賊驅子女數
百過城下亦莫肯以一矢相加遺人以告則詬箠之
賊去乃始耀兵入壘落殺掠齊民以為功王師兩征
猶踵其故智權責石之濫封濫責不吝也朝奏捷夕
告急不詰也陷城棄師失捷之將不戮也非誣之從
賊殘民即亦無異乎毒之酷矣獨一宗吉如西廣何
人孰不死而宗吉声光特與日星照終古彼偷生倖
富貴者竟何如哉竟何如哉

浙

皇明名臣玩琰錄卷之十三

南山黃先生墓碣銘潤玉

楊文懿公字陳

山環吾郡而其南若金峨諸峯尤峻秀先生樂之故
自號南山而學者稱南山先生無異詞先生嘗任有
官階矣皆不稱其官獨舉其號而先生之者崇其道
也先生之道性乎天而成乎自得其學聖賢爲一鵠
以知行爲兩輪嘗曰學聖賢一分便是一分好人又
曰明理務在讀書制行要謹獨此其所以道而學也
方其少時已負文行之譽及其壯強益脩耄老不懈
德足重於衆功足昭於時言足立於世其可謂有道
而甚文者歟先生諱潤玉字孟清世爲勤人曹祖長
卿仕元麟浦巡檢祖啓翁隱鄉授徒父良以先生貴
贈文林卽行在交吐道監察御史母嚴氏贈孺人生

母史氏封大孺人先生方五歲侍母病夜不寤家
人已稱其孝六歲就塾坐立屹然不與羣兒狎書過
目輒成誦師奇之十歲行道見遺金不捨途人悉嗟
異歲十二聞郡守王公璉肇舉鄉飲酒禮于郡庠往
觀之默識其儀歸書于冊師愈奇之歲十有三時改
元永樂命江南富民實北京其父當行先生詣官請
代官少之對曰父去日益老兒老去日益長官異而
從之踰年抵京受墨北城外十里所沙漠寒迥茫無
人烟先生與同役築室成北閣傾訾給徑賦懇團鬻
蔬以為生人不堪其劬勞瘁先生安之稍隙輒肆力
於學以己心為嚴師而蘄造乎聖賢擇然後語確不
可易焉揆然後動端無所苟焉京有富翁僅一女招
先生寓宿其家而同賈先生辭或問之曰瓜田不納

履也其慎行若此里中弟子多從之因襲且學問為

先生寓宿其家而同賈先生辭或問之曰瓜田不納

獲也其慎行若此里中弟子多從之因敷且學問為
文辭不作組麗蕪刻之語而理政瀾水人喜誦殊之
補郡庠生京闈鄉試擢禮經魁會試授建昌府學訓
導丁文林公憂改訓南昌府學尉有聲績用薦拜行
在交趾道監察御史出按湖廣罪斥藩臬郡縣之不
職者至百有廿人威望赫然

英廟即位以學政衰死命廷臣舉有學行者為憲臣以
董之楊文貞公以先生薦遂陟廣西按察司僉事屏
浮藻獎後賢士風丕變時寇起軍興都指揮吳某妾
掠子女萬餘口先生刻而歸之副使李公立人民死罪
且數百人亦為辯出之萬口稱快南丹衛在萬山中
瘴甚戍卒歲死或幾半為奏徙於夷曠之地人感之
至今丁史孺人憂故湖廣按察司布憲亦嚴巡撫都

御史李實張甚藩臬皆拆節不之先生獨無加禮
而連黜墨宮二人又皆其御戚也故發憤誣奏先生
不暗刑律先生弗辯也左遷和州含山知縣浚麻湖
以復通租閱蘆蕩葦其積弊徭均訟平民感悅之請
老致仕尋以子隆貴封承德郎南京刑部廣東司主事
閑居簡出日惟玩味經義無厭足平生著述甚富以
朱子嘗欲編禮記附儀禮乃取儀禮所為四卷而以
禮記比類附之不類者附諸卷末首亦各有意義又
以五禮獨缺軍禮因取周官大田禮補之而以禮記
記諸篇載田事附焉別為一卷通五卷皆為之註釋總
曰儀禮戴記附註以小學四書諸經註家或遺或悞
撰經書補註以大學中庸皆淵學通旨以
禮記深衣制十有二幅鄭氏誤註為裳而玉藻長中

撰經書補註以大學中庸上白皆附身之撰庸與子通上白以
札記深衣制十有二幅鄭氏誤註為旁衣而王藻長中

經掩尺註亦誤撰考定深衣古制以四明新志燕穢
撰寧波簡要志以道德經陰符經古註皆昧各為之
註膏因安遠侯淳問古兵法為註孫子其他備論理
事曰南山錄雜著詩文曰南山稿皆藏之家居二十
載壽八十有九而卒時成化丁酉五月二日也下某
年某月某日葬處愴具狀屬余銘嗚呼詩有之雖
無老成人尚有典刑老成人之重於典刑也尚矣吾
鄞風俗自古樸淳大里之高節董淡之純孝可徵也
宋慶曆淳熙以來諸老傑出表以別行闡以正學既
駁駁于古矣有國初士猶脩德行礪名節尚道學而
文藝仕進不甚貴之逮于今則文藝日以盛仕進日
以繁而向所謂德行名節道學者或莫知省於是
老成人凋謝盡矣而先生巍然若曾靈光之獨存後

生山子有志於古者尚可憲而則焉今亦已矣噫可
痛哉先生性剛介寡交游其所稱許者四方若李文
毅公時勉薛文清公瑄不過數人而鄉邦左彛獨與
守陳祖考榘若先生雖顯晦不倫而以道德相契往
還間人見兩先生皆偉貌豐髯莊重嚴毅畏之若神
莫敢即所談惟法性道之淵文辭之粲未嘗一語及世
故守陳以撰杖履侍側聞緒言為多長與隆同舍學
且久逮先生歸老尚時獲親炙之故知先生為深宜
隆之以銘屬之也先生室范氏封孺人贈繼室以舒
氏五男長性永新訓導次教次道宣義即次隆以進
士累官四川按察司副使廉毅公雅政聲章甚次達
國子監生孫男世有七曾孫男十有九先生位不滿
德而年齡之萬子孫之顯且衆若續之矣况又有不

朽者在乎銘曰在古聖人未始不學其學子伊何道一德

國子監生孫男世有七曾孫男十有九先生位不諱
德而年齡之萬子孫之類且衆若償之矣况又有不

朽者在乎銘曰在古聖人未始不學其學伊何道德

矩矱敷為勲勞著為言議以澤當時以覺後世譬彼

天道生物為心運兩發育日星照臨是二道者蓋難

乎備姬孔至哉程朱其次爰及吾郡二敏豐清敏 高憲敏四

先歸表揚深寧王應麟文潔黃東亦各有傳悅生黃公天

性孔慙自其少時克已孝義長而好學昕夕簡編心

驗躬履誓趨聖賢明理在書謹行于獨發是二矢射

彼一鵠乃齒鄉論乃作校師道遵教洽厥聲四馳延

陟於朝六察是職茹雪噬水隼翔鷹擊

天子曰咨學政日靡慎簡憲臣俾振而起八桂成林丹

徼之極鳴舌奔裳在津挾策先生不鄙示之問行沃

醉俾醒聲豁而明徒泄湖湘專典臬事鷺車所臨風

聲逾厲彼貴方逞我守其恒定誓慄斯則匪我能功

詆既成用宰百里新擅楹為櫟大匠斯謂素位安命
何怨尤利興害去惠人滂流尚丹其心遽白其髮飛
不盡歸歸休于樾有子克肖亦豈其冠孫曾整心敬
恭暄寒閑居簡游薦著是閱漬墨磨丹之死不輟儀
禮為經傳惟戴記合而註焉晦翁之志經書補註庸
學指歸有刊彼誤有拾此遺道德陰符暨孫武子亦
各註之以闡厥旨深衣制幅誤註為裳千載之謬一
朝用章格言孔多厥有別錄餘文暨詩亦益于櫝古
者不朽惟德功言先生廢守鄉之前賢嗟彼虫虫孰
寵與利紆朱懷全以炫于世奄其逝矣湮滅無聞孰
與先生身亡名存我銘斯立匪但焯德且以砥愚庶
其有擇

右僉都御史汪公神道碑

同前

都察院右僉都御史汪公被命整飭蘇州山海邊備

都察院右僉都御史汪公被命整飭薊州山海邊備
兼巡撫順天永平二府越二載得疾請歸未及報疾
已亟輿至京師之萬第卒成化十六年四月二十三
日也年纔六十有三自將佐守令下逮兵民皆悲慕
不已交章列其行治請賜葬祭以寵異之制曰可舊
典凡四品以上賜祭三品以上加祭賜葬今公官僅
四品而葬同三品實異數也非有大得乎下而深獲
乎上曷克致是哉公姓江諱霖字潤夫廬之六安州人
高祖富德安府同知曾祖景道莘縣知縣有能譽嘗
被賜金帛之徵祖克敬不顯文洪麻城縣學教諭以
公貴累封大理寺丞世某氏累封太恭人公承家訓
起州學登進士第拜監察御史出按雲南操已慎市
憲公讞獄多所平反吏民安之丁封寺丞公憂復職

按浙江持其素益勵時錦衣衛指揮門達方東權熾
熾其子高子浙自鎮守官以下皆曲意悅之以公獨
不禮也歸譖之達怒遣校尉偵之卒以無罪也還掌
江西道通

今上嗣大統言官劾門達抵罪厲前都御史王公竑李
公秉皆復任天下權快公預力焉先是西廣蠻寇出
沒且十載屢征不克至是命趙都督同知輔率師征
之遂命劉御史慶與公察官軍有主事與冒功者皆
寘之法公與劉協心中令師肅然憚之自京抵西廣所
過按堵且以策贊師擣賊公穴如破竹既而審首級
有妄者斥之俘獲有條吾民者縱還其鄉凱奏論功
拜公大理寺丞秩滿陟本寺右少御尋擢都憲被劾
遣撫郡之命遂乘驛徧所治戒將佐練士卒葺城堡

稱公大... 遺撫... 郡之命... 遂乘驛... 偏所治... 戒將... 佐練... 士卒... 草城... 堡土

樓櫓簡器械軍聲用張虜莫敢犯且厲守宰俾勤恤
民隱無或迨違舊例邊軍糧餉永平府給古北口薊
州給山海關皆以軍運費重而途艱然緣邊米價頗
賤公請以銀代糧分給之兵民兩便皆歡欣戴感至
公性孝今喪父哀甚迎母就養京邸運都憲考察例
進階公請輟階進母太恭人之封比死惟以弗克終
養為恨其為人寬厚溫恭臨政詳慎未如徽赫赫名
然其所治無論朔南人皆悅慕之公娶張氏封張孺
人子男五人長曰睦陰陽訓術次曰曉曰熾俱州學生
又次曰昉曰娘孫男十有二人睦輩卜葬于其州之
地既請以祭酒仲琛銘周侍郎堯夫表矣乃復請余
筆焉余與公有雅弗克辭系之銘曰六惟古國皋陶
所封於今為州公家其中公之高曾以逮手卷三世

顯榮公大厥紹奮登甲科遂典六察威惠所加六詔

兩浙兩廣麻沸

帝命師征公監以憲有聞無聲孰狼孰貪孰猛如虎孰
敢干令以犯吾斧運籌佐師搗賊窟封豕長蛇是
絕是忽矜彼孫累有戒赤子釋而從之還厥完里奏
捷第勲丞于大棘貳卿無何都憲是職驚車按邊將
士用銳高城深壕虜駭而喙督守與寧字其下民兩
禍俾秀化愁為欣胡不耄老僅耆而逝小大邇遐交
傷並喟

天子有詔斧封巍巍刻石基道過者式之

少詹事柯公傳潛

王文肅公傑

學士柯公諱潛字孟時別號竹壘興化莆田人其先
晉江人五代時有諱寶者官大理評事徙莆之武盛

里生泉戶部員外郎峽戶部生事長陽尉濟長陽生

學士柯公諱潛字孟時別號竹溪興化莆田人其先
晉江人五代時有諱寶者官大理評事使蕃之武盛

里生泉戶部員外郎峽戶部生事長陽尉濟長陽生
朝湯令璿璿之孫贈承事郎昱再從邑中安樂里令
所居柯山是也承事生海豐令新之由海豐二世海
陽尉密海陽以下又六世至公高祖憲孫曾祖君寶
祖德平皆不仕父原琪用公貴累封奉訓大夫尚寶
司少卿兼翰林院脩撰配戴氏累封宜人公生有奇
質穎異絕人數歲能作詩十五能為舉子程文從鄉
先生林知縣庭芳方行人游補邑庠生正統甲子
領鄉薦當赴會試以未忍離親未果行遂携書入蓮
峰僧舍諱讀不輟戊辰會試中乙榜辭弗就教職入
曹監攻苦敷淡益肆力於學景泰辛未再至禮部遂
中甲榜進對大廷賜狀元及第賜宴賜朝服冠帶公
上表謝越數日授翰林脩撰公手神峻整言動謹飭

是時翰林諸老多在咸愛重之為之延譽未幾賜五
倫書五經四書尋用薦入經筵自是北朝廷用人有
制作加恩典公皆與焉壬申四月陞石春坊右中允
兼脩撰五月預脩歷代君鑒書成賜白金十兩綺二
裘裹甲戌二月禮部會試為同考試官五月預脩寰
宇通志三載滿授勅命進階承德郎推封二親及妻
戴氏繼室俞氏丙子五月通志成陞司經局洗馬仍
兼脩撰加賜白金文綺八月考應天府鄉試升維淮
楊有舉子鬻私者暮夜投公公叱之彼固以請以所
賂遺置公前公怒命執付有司治以法是秋場屋肅
然比揭曉咸稱得人還朝乞歸省未行

英廟復辟改元天順更授公尚寶少卿兼職如故仍許
歸省己卯二月命脩玉牒庚辰春命偕呂學士原考

禮部會試十二月命充東宮講讀官尋給誥命進階

禮部會試十二月命充東宮講讀官尋給誥命進階

奉直大夫加封其父母妻癸未二月復命階陳學士

文考會試會場屋火罷甲申

今上即位以隨侍恩陞翰林院學士三月有旨選進士

年少質敏者李東陽等十八人入翰林院庶吉士命

公教以古文詞學八月

上御經筵勅公兼經筵官仍賜白金三十兩寶籙三千

貫文綺二表裏九月奉旨纂脩

英廟睿皇帝實錄成化改元八月考順天府鄉試九月

玉牒成賜宴兼賜白金文綺寶襪丙戌廷試與讀卷

賜鈔千貫是月再奉旨教庶吉士林瀚等二十四人

十月賜新刻貞觀政要十二月命學翰林院印丁亥

五月實錄成陞詹事府少詹事兼翰林院學士賜白

金三十兩金織綵段三表裏折衣羅三表裏賜宴禮
部十月賜大明一統志戊子二月命日侍經筵講讀
自辛巳迄戊子凡過于節輒賜牙骨聚扇上有御製
清暑歌解愠歌及諸家繪畫金織扇袋五色圓壽絲
綉虎頭條畫艾虎七月有詔議慈懿太后山陵事內
閣大臣先進章公率僚屬繼進論合塋於禮為宜明
日文武羣臣復繼進未得旨公復具疏期以死請曰
朝廷大事臣子大節舍是莫所用心頃之俱召至文
華殿諭可其奏衆惟呼而退十二月賜經筵儒臣七
人襲衣冠履公已聞父喪浙
上命即其家賜之既而有司為少節公請祭命并與塋
蓋異數也公感激御哀執道抵家不入中門寢苦枕
塊不脫經帶擇塋地于所居東一里許和溫山麓以

不忍離喪次圖繪形式付其第通州學正江董成之

不忍離喪次圖繪形式付其弟通州學正江董成之
時母戴宜人在堂事之逾謹倫極取脆己丑九月季
弟澍病親為調藥比卒殯殮皆厚後朔望易期服哭
失聲而後返衣衰居苦次君子謂之有禮庚寅正月
戴宜人屬疾越五日卒公哭踊絕而復甦朝廷聞之
復遣官諭祭辛卯四月有詔起復時發酒缺負久難
其人

上知公剛方將用之以厭士論公聞命具疏乞終制天
畧忠與孝豈有二致事君事親初無兩心使親喪可
短則他日所以事君者可知矣

上覽疏許之初六公素無疾至是以夕居苦塊患左是
風痺未平而寒熱繼作公自知不起呼學正君與之
訣瞑目而逝時癸巳八月十一日也年五十一訃聞

上悼惜遣官賜祭復命工曹營葬公娶戴氏先卒維俞
氏南京禮部侍郎綱之女子三長森次林戴出季宗
文側室王氏出女二公天性孝及養親養志友愛二
弟撫育後子尤極恩意念李氏早沒悉以先公所
寢室讓與其子室壁而自與學正君別作室于都廳
東西以儉陋自居人以義稱公稟氣峭直操行取介
發為文章嚴整有法類其為人其為詩新清微婉尤
有夙致其性喜遊供職之暇時偕二三知己窮覽勝
槩雅歌投壺分韻賦詩襟度豁如也既綜院章即詞
林後圍結清風亭亭下鑿池蒔蓮決渠引泉公退宴
坐其中又脩然若真登瀛洲者至於遇事感發言論
侃侃揚推古今毅然自負如公者可謂動靜不違守
之以正者矣故雖官庶僚已繫天下之望位日通顯

望且益重雖嘗以聖賢之學啓沃聖心其平生所蘊
蓄抱負蓋未及少施于天下故其歿也匪徒士君子
傷之雖天下蒼生其素所屬望者蓋不能無缺然也
使天假其年
上柄用之其所經綸贊理宜何如哉予聞之宋儒明道
之卒也或有問於富韓公公曰伯淳無福天下人也
無福又不知今日之知公亦有如富公之知明道與
否也僕忝與公同年及第同官翰林二十年辱公契
愛爲深公易箴時其家人咨以後事公無他語第曰
爾往南京見王學士訪之意願予何人敢承公死生
之託耶閱月訃至予既爲位哭之謹論次其平生以
爲傳授其子孫宗文使傳焉

太常寺卿王公墓誌銘 獻

同前

公姓王氏諱獻字惟臣號退菴杭州仁和人也曾祖
諱思誠元醫學提領祖諱性安冠帶醫士贈太常寺
卿兼翰林院侍讀學士祖姚楊氏贈淑人考諱智初
封編脩後累封贈太常寺卿兼翰林院侍讀學士姚
顧氏亦累贈淑人繼母俞氏封太叔人公天賦穎異
羈貫知讀書記誦日數百言不煩熟復即終身不忘十
五學通經肆筆作舉子程文十七領補書明年景泰
辛未登進士第與狀元柯潛等二十八人同進學東
閣賜居第給大官酒饌及膏紙費命內閣大臣典領
之蓋不別立師不出就外署一如永樂初科故事公
感際遇益肆力於學工古文詞在同一年中最號敏瞻
時公猶未娶吏部侍郎淳安項公見而奇之以女妻
焉登酉授編脩與脩寰宇通志陞脩撰天順初乞歸

省賜路費欵逾年還朝命入內館授中貴人書癸未
春同考會試會貢院大秋復試復為同考是科先後
丙入廉不改命者惟公一人丙戌脩撰秩且滿先公
訃至即日陞辭星行抵家治喪塋威易丙至暇日與
鄉人接恂恂謹厚無一毫早達貴移之態人以爲難
尋用薦起復之公疏乞終制服闋陞在春坊左諭德
兼脩撰庚寅命充經筵日講官賜大紅織金襲衣束
帶冠履辛卯再賜大紅羅衣一襲是秋主考順天鄉
試壬辰充廷試讀卷官賜寶鏡千緡未幾陞翰林學
士癸巳賜金帶本朝學士非典密務待日講者皆不
與是賜蓋異數也乙未復充廷試讀卷官賜寶鏡千
緡丁酉朝廷用儒臣議追崇

先聖禮樂遣公祭告闕里北還適所嘗與脩宋元通鑑

成陞詹事府少詹事仍兼學士戊戌

皇太子出閣命侍講讀于文華殿又命偕學士南昌謝
公教庶吉士梁儲等于玉堂外署滿三載乞恩移封
父母詔許之令制凡朝臣五品已封者即四品不封
先公既贈諭德令加贈詹事皆兼兩銜妣亦宜由人
加恭人人亦罕與為媿辛丑壬午考會試壬寅脩文華
大訓成陞令官甲辰丁未再充試讀卷官復再賜寶
鈔蓋自擢第入翰林于今三十有七年先後握院掌
考十有六年而年已五十餘後進推公為先達知己
期公於大用公雖謙不自居而亦頗目信其必至然
訖不登樞筮履要劇以少展其所抱負君子惜之所
謂行止非人所能為而天實為之也公為人性度夷
坦襟宇澄霽與人交洞是表裏為人謀不擇利害

但襟宇澄霽與人交洞是素衷為人謀不擇利害

嘗存同官最厚者卒而子幼家事爲二第所將公忿
然不年乃拉二三僚友爲之處分不得逞遂造爲無
根之謗以誣公好事者從而扇之公雖弗爲辯而亦
不能釋然于懷卒之以此齟齬終身而不克永年於
是識者又深惜之謂人衆勝天而不可盡誣之命也
公學春秋三傳作詩又有奇氣好持論而切於用事
作字亦飄逸類其爲人客至對奕終日其所自奉雖
儉而供具必豐比遭謗則罕與人接過親舊亦寡言
初拜官時年方少而癯耿中歲漸豐腴比年乃更羸
然如不勝衣蓋時已屬疾猶日侍朝佞職相知者繞
一再晨不見而公已易簣矣成化丁未八月四日也
享年五十有四訃聞

上憫惜之贈禮部左侍郎遣官論祭命有司營葬歿後

三月兄惟貴自鄉邑來歸其喪以某年某月某日葬
某山某原因念公之子運久廢於癘疾慮無以紹其
嗣乃請於朝以其仲子雲後公制可之併以雲為國
子生俾之有世祿焉吁哀恤之典厚矣公配項氏贈
淑人先十二年卒生男一即運女三繼劉氏亦卒側
室生女三皆幼予曩在景泰初與公同年及第同讀
中秘書又同官翰林同居一坊交相契而往還甚款
密一日公與童庶子大章過于大章好譁浪喜悅相
談死生之理自謂其體太魁領當不壽公亦清脩不
耐老吾二人先死銘皆於予是屬蓋予謹長大章一
歲死先後未可知若公則少予十稔我銘當以屬公
皆咲而領之後予去官南京二十年不返大章卒予
不及銘惜其有二大節如不附石總兵求官至抗之

其傳者乎乃建議以為聖賢乃儒教之根源道德之

其傳者予乃建議以為聖賢乃儒教之根源道德之
脈絡學宮舊有祠多歷年所浸至無廢今宜以中樞
復祀文靖公以下五先生東樞則祀鄉先賢如唐李
紳輩西樞則祀有功於學校如元虞薦發輩上書當
道遂從其議蓋先生以繼往開來為己任倡明道學
力拯頽風復還於正是以士子翕然從之而先生之
革俗契不用浮屠大為時輩詆笑縉紳開亦有敦其
難行者乃取朱子家禮實以

太祖高皇帝御製孝慈錄等書并朱子後來所行與家
禮不同者逐節筆之如喪禮舊以嫡繼慈養母斬衰
三年祭祀則四代共一祝板之類皆革去家禮舊文
一遵

國朝制度如深衣續衽鉤邊喪禮惟父母用哀辟領負

版與夫祭禮冬至立春不祭始祖之類一以朱子晚年所行為主家禮原文不復米錄以至引用諸書并漢唐宋以下諸儒居家雜議有可依據者卒為一編月之曰家禮集說叙而習之以立脩齊之本大意以為時有古今禮有損益脩而正之變而通之此家禮舊文雖以變於今日而未始失其禮意也知禮者是之其書遂行今江南士庶家皆遵之民風亦為之一變初先生父以註誤備邊母悲哭喪明先生奉養侍養躬自浣濯衣不解帶者十年母日復明至是父歸卒廬于墓者三年有司欲舉孝行先生以母老固乞近地迎養奏可復陞安慶望江教諭先生自負甚遠恒歎草封事論天下大計復念祀位卑言高之分則又歎曰時不我值命也柰何一枿去牙角既無所發

又難曰時不我值命也奈何一耕去牙角既無所發
不去解紛一朝士廷辱石氏之黨

上怒索其人而大章不妄指以道已貴當時稱之而後
世無傳焉予深有負於大章也頃予被負召北來而
公歿甫十日謂可圖踐言於公而公家不予知遂不嫌
自售請於編脩君得其所事狀為按而序之蓋千
載之傳雖不宜託之燕陋譎淺之詞而斤言之諾廢
足以全大朋友死生之義故不復他恤而卒為之銘
銘曰仕既逢時位亦不虛直驚橫絕馳靡適不宜胡
其詩施而止於斯尚永於垂刻日銘詩

戒軒先生傳

都御史門人楊璿誤

先生常郡錫邑人也諱善字擇賢姓馮氏故邑著姓
高祖亨甫曾祖達御皆業儒大父彥嘉福建都衛經
歷父景春先生天才極高性剛果遇事不少假借故

甄戒軒以自徵時學者未知所尚慕先生立言行已
皆以放斥浮詞敦尚實行卓然為東南文學之倡年
二十為州里師搃發疑義為學徒陳道諸老生無能
論難者長益肆力文學期底于實用宣德初兵科給
事中陳圮左遷邑丞察其賢以經明行脩薦為本縣
儒學訓導先生辭不獲迺曰廟堂之臣恢弘事業學
校之官陶冶人才人才成則事業見早其職豈

朝廷養士意邪乃拜受之先生雖以書經起家而博通
五經其論學術則曰五經一理也兼通而時出之始
克稱儒自漢以來儒者執一經以名家非所以博學
而及約之也其論道統則曰斯道在天下有統有原
原出乎天統存乎人吾邑自喻允諸公得物文靖之傳
於紹興嘉定間既久而晦蝕數百載之下豈無上接

其忠愛則以勸進後學爲事旁引曲諭務啓其聰明
故出門下士隨才各足一時登板者獨盛于他郡嘗
典江西鄉試黜浮陟實士論多其得人景泰紀元以
秩滿赴銓曹見撤民居爲巫立朝走告大宗伯朝公
濶顛罷其役詞氣激切胡公壯之謂其心術正大不
宜屈置閑散方將薦聞而先生竟致政歸當是時年
六十三矣又十三年而預自爲誌又三年而終得年
七十又八其自誌曰昔孔明自北管樂時人莫之許
今時人許先生有匡世之才卒靡冷官而止人皆惜
之先生無悶也其教人以倫理爲本詞章次之化導
諄懇能得士心故沒而士子有司崇之錫山望思之
江各崇祀於鄉賢祠有子三人泰濟豫泰世其業領
丙子鄉薦其平生所著扶樹教道有戒軒文集若干

卷宣寄性情有戒軒詩集若干卷參訂古禮有家禮
集說敦厚風俗有錫山望江二誌其門人分職中外
者自即中李灝以下餘二十人具載先生自誌而獨
以璿為合志故於其歿也既表其墓以為天下慟復
疏其事為傳俾泰附之家葉以俟史筆

論曰余讀戒軒等集知漢儒之不好法言也道
之行廢命也先生為貧而仕非有行道之責既
老不自休抑有何也孔子云文王既沒文不在
茲乎安定為蘇湖授教門人皆有可觀後世與
韓范並稱立功與立言所得有不同哉然先生
非儒官亦不能著書如此云

戒軒先生預述墓誌銘

戒軒先生錫人也。馮其姓，善其名，擇賢其字，父景春。不仕之。父彥嘉，福建都衛經歷，曾祖達，邵高祖亨甫。皆不仕。平戒軒平生讀聖賢之書，樂聖賢之教，求堯舜禹湯文武之心，志堯舜君民之志，不戚戚於窮，恒熙熙自足。年二十受徒州里，三十九舉經明行脩，任錫庠師，轉崇明六十，試官江西六十二，致望江教諭，政歸錫，奉母終老焉。以父世印，天地嚴加孝敬，故於生事，壘祭一遵於禮，不敢有違，其為人性剛勁，觸事易忤，一毫剜人，若撻市朝，故歸戒軒以自抑。其性氣先生天才，頗高識量，亦異於衆。善料事，人亦借服門人。郎中李灝布政楊璿，參議馮誼，僉事談泰，府縣職陳給，王納，輩學職揚盛，唐旭，輩二十餘人，施政立事，惟楊布政合其志。嘗曰：天下人才一邑，人才也。吾邑若

此餘可類推後世不及唐虞三代者人才為之也恒
欲封事時政不敢犯位卑言高之分吁孔明窮耕南
陽自比管樂時人莫之許今時人許先生有匡世之
才望先生有匡世之佐任卒靡冷官而止人皆惜之先
生自若也使先生果能顯在其能匡濟否乎或曰先
生志克舜君民之志得其位必行其學恐行其學不
能阿順不得久居其位寇準韓琦貶斥木無也嘗在
朝見撤民居為巫立廟徃告胡宗伯勸其力諫罷其
後憤切言激人笑其慙以此觀之可見其忠君愛民
之心正大矣雖然此皆空言特論心之所存而已先
主自致仕歸自以不能行道濟時恒歎憤於中錄醫方
合藥以拯民疾述家禮以正民俗修誌書以篤民風
躬行孝弟以敦倫理勤儉治家以杜華競鄉邦吉立

事咨訪而後行奉母之祭惟琴其恭隨一趣而已不預餘

躬行孝節以敷倫理勤儉治家以杜華競鄉邦吉去
事咨訪而後行奉母之餘惟琴棊適趣而已不顧餘
事以書經起家教其冢子時泰登景泰丙子科吳啟
榜鄉貢進士授河南涉庠教諭分俸執養于家天順六
年七十五歲自感康寧無恙安享天祿倣杜牧之生
前自為墓誌越

成化乙酉六月十六日卒于正寢


享年七十八又八歲十以是年九月十六日

葬于開原

鄉憲巷之原從先兆也配盧氏先卒生三子長泰
娶秦叔豫女次濟娶殷帝賓女庶子豫娶周信民女
女一人適談熙嗚呼若先生之生平出處涉歷備至
弗畔於道式克至於今日休亦百中之一二耳懿哉
乃系之以銘銘曰

浙

教官三紀歸老巖阿人以為少我以為多存順
歿寧吾末如何自吟不居留後人歌



館書圖汪浙

Faint, illegible text bleed-through from the reverse side of the page, appearing as ghostly impressions of characters.

皇明名臣琬琰錄卷之十四

皇明名臣琬琰錄卷之十四

大學士彭文憲公言行錄時

尹侍郎直

彭時字純道安福人進士第一歷仕正統成化間位
至少保吏部尚書兼文淵閣大學士卒年七十贈大
師謚文憲

公自少端重寡言不與群兒相狎戲惟奮勵讀書治
春秋從叔父僉憲及憲副二公學屬文輒有驚人語
二公喜謂他日必為宗公及領鄉薦入國監博學精
思為海內士所惟服祭酒李文毅公尤以公輔卷待
之初入閣與泰和陳芳洲諸老遊公雖晚進積學素
履殆無愧焉後復入閣

英廟方倚任李文達公有事數召而議文達退即諮原
於公輔益居多其有不可者每據理力爭不肯一詭

隨初或意相忤久之心服其公且明語人曰彭公真君子也天順末錦衣衛指揮使門達甚見寵任忌文達與相軋陰中陽之

上曰李且得罪官行專用彭某中貴以語公公矍然曰

李公何遽至此因為力辯其誣語聞文達得釋

河南有衛官頗強橫凌人刺事者誣其謀反門達燬煉成之公曰人可輕殺耶具言於

上竟得從末減活其家數十人今

皇帝嗣進吏部右侍郎兼職如故是歲秋同知經筵丙戌乞歸省詔馳驛往還太監訐安致道理費長隨張敬護送抵家未踰月手勅促還朝丁亥二月至

上慰勞之六月以四川宣府遼東地震上䟽陳六事皆

規切時政八月總裁

英廟實錄成進太子太保兼文淵閣大學士尚書如故

英廟實錄成進太子太保兼文淵閣大學士尚書如故
戊子夏陳莊靖卒公上疏言才識迂陋今冒居內閣
首僚何以下副羣望乞妙選出衆才賢擢居前任
上曰卿輔導有年才識老成何以辭為

慈懿太后崩詔大臣議葬所衆相視莫敢先發公曰梓
宮當合葬裕陵主當祔廟此一定禮無可議者具疏
引漢文帝合葬呂后宋仁宗合葬劉后故事乞念綱
常之大体

先帝之心必求其至當此實綱常與禮萬一有違在廷
百辟將有言之宗室親王將有言之天下之大萬世
之遠亦將有言之豈能保其終無據理改而從正者
乎

上猶重違母后之意未允公與在廷文武群臣伏文章

殿以請或至嗚咽泣下

上為之感動卒從禮制是秋彗星見越三台公上疏乞
痛加脩省而謂外庭大政固所當先宮中根本尤為
至急望正名分均恩愛以廣繼嗣為宗祀大計又言
大臣進退皆宜斷自宸衷不宜專任臣下如平昔察
知其人或召吏部面議或召臣等叅詳庶權出於

上皆嘉納之平涼土達滿四反官軍連失利都御史項
忠奉詔往撫捕之公料其必成功而朝議洵洵咸欲
再遣將出師公執不可或以危語動公公不為動未
幾獻俘至議者始服

上嘉賜倖奴一人己丑冬無雪上疏言自古旱災皆由
下民困苦怨嘆之氣感動天變而致近日光祿寺之
買辦各城門之抽分梃寇太甚而獻琮珠寶石者私

賄估直之人倍增其直以規取府庫以萬民之供輸
而為奸人之所侵奪伏望盡革其弊以惠生民

上是其言京師為之踴躍辛卯十一月禁復見上疏言
德政之要其一乞崇正道而毋惑於佛事其二乞謹
命令之傳廢事出於一而無詐偽其三請退朝之暇
延接大臣面議政事兼問軍民之休戚訪人材之賢
否察治體風俗之得失其四言近聞嬖倖無故而受
金帛者多工匠無故而冒官職者衆是賞太濫也或
罪不應謫戍而謫者或罪不至死而死者是刑太深
也宜節賞慎刑以遵成憲其五乞以古之聖賢為法
聽受群言勿惡其切直勿忽其迂遠苟當理者宜即
行之其六言股肱之臣耳目之司近多主於奉承而
嫌於違覆直行已意而不加斟酌乞戒勵各官慎脩

厥職職股肱者事有不可宜再三執奏毋率意而行
司耳目者遇事為民病官為民蠹宜即劾奏毋徇情而默庶百官
奮厲興起事功其乞清理三營草場減退豪勢庄
田嚴有司掎魁之禁庶軍民得所邦國永寧

上曰然卿等宜益勉位理

書

太監劉永誠沒言其有軍功宜追封為伯公力爭之
或曰自古有封王侯者公曰此盛世事耶

祖宗成憲其在誰敢違之事遂寢壬辰天下水旱相仍
復上疏言時政闕失乞放歸用里不許乙未正月陞
必保尋復病蓋自己丑以後凡七在告

上輒命醫視疾遣內臣致猪羊鷄鶩酒米之賜踰月不
出則必再遣焉病革衣冠端坐徐言曰死生常理不
足驚但冒居大位上不能報國下不能養老父耳無

足驚但冒居大位上不能報國下不能養老父耳無

一語及私問之亦不應是夕遂不起三月二十二日也公資稟既異加以問學之純自少至老敬謹如一日居間無惰容行則兩手常端拱飲食不間七筋声尤不喜紛華先後蒙賞賚白金幾千兩綵幣數百鈔十萬緡冠帶衣服書籍器玩鞍馬飲食之類有加而公處之泊然終歲不一二宴會會未嘗有音樂於物尤愛惜雖片楮寸墨未嘗輕棄擲然非其義一毫不苟取與接人色莊氣和無疾言無喧笑諧謔聲至於論辯事理則確然有不可拔者交朋友及久而益敬人有善稱道之唯恐其不彰論薦人材未嘗私以語其人常一典慮天府鄉試一主考會試四為廷試讀卷官皆稱得人大臣間為新進所媒孽者必反覆辯析且以愛惜人材之意上達言官以言語或微過被譴

亦必委曲言其不足深罪賴以全者甚衆

並彭華撰
行狀高翰

援墓尹直贊曰詢美文憲早躋木天粹溫如玉沉靜

如淵歷事

三聖抒誠秉謙不大声色淳敦躁恬化機潛幹豈徒代

言

少保高文毅公墓誌銘

略

同前

成化丙戌冬詔起前兵部左侍郎兼翰林院學士高

公於淳安山中至則復職乃叅密務公辭不允乃感

激就任累遷太子少保吏部尚書兼謹身殿大學士

丁酉以疾懇休

上察其誠從之陞太保兼職如故賜金書金幣襲衣瑤

鏡給驛以歸抵家十載始卒丙午七月十八日也

生永樂甲午二月二十五日壽七十有三訃聞深見

悼惜贈特進榮祿大夫太傅謚文毅遣官諭祭者四

生永樂甲午二月二十五日壽七十有三計聞深見

悼惜贈特進榮祿大夫太傅謚文毅遣官諭祭者四
命有司營塋如制嗚呼始終榮哀至矣公諱輅字弘
載號素菴姓商氏始祖諱瑗宋嘉祐間自西夏都知
兵馬使來歸賜地于邑芝山子孫因家焉三世俱以
蔭補官至祖敬中考仲宣咸因公貴累贈資政大夫
兵部尚書兼翰林院學士祖妣胡氏妣解氏俱夫人
公幼穎敏卓越宣德乙卯以壁經發解浙闈正統乙
丑會試俱第一授翰林脩撰尋命進學東閣務大期
用繼選經筵展書命遂進講己巳陞侍讀擢入內閣
時

英朝北狩國勢危疑妄有倡議南遷者公力沮之虜逼
京城公與文武元僚經畧戰守遣官撫輯旬居之虜
徼各邊師選兵入援揭榜賊營購虜僕偽為喜寧報

誘擒也先書故遺于虜營虜得榜與書故自相疑道
明年景泰紀元之秋往迎

英廟回鑿於居庸關草詔稱旨賜酒果馬足既而錦衣
盧指揮妄言南內事窮治不已公言此不足信徹遂
不竟壬申初議易儲公謂此國大事有

皇太后在上臣下誰敢議此明日有旨會多官議附和
者衆公爭不可踰歲鍾同章綸相繼請復儲下獄禍
不測公因召對力救綸竟得免丁丑春

景皇帝不豫公即與陳公循倡請命復儲以繫人心不允
繼具疏公援筆增二語陛下為

宣宗章皇帝之子當立

宣宗章皇帝之孫擬詰旦進至期變作正月十七日也
先帝復辟首召慰諭且問改元公對當同循等具請裁

定又明日權奸喉言官根據一再劾生免朝廷尋知非

先帝復辟首召慰諭且問改元公對當同循等具請裁

定又明日權奸喉言官据摠再劾坐免朝廷尋知非
辜欲復用不果公家居怡然養母訓子杜門不出及
復起首疏八事舉切時弊戎子以地震乞罷論以方
託調燮豈宜去是夏詔議館

慈懿皇太后葬禮公同彭文憲公力言附陵祔廟理不
可易至率廷臣伏闕泣請卒從尋因事彗見言官有
所誣詆公力求退奉旨朕用卿不疑何恤人言至詰責
言臣者唐太宗用王魏朕用高輅何不可欲加譴調公
言臣嘗勸復容言官已荷嘉納如脩撰羅倫復請召
用今因論臣而反責之如今論何特允所言召公至
榻前勉慰再三尋陞尚書仍兼學士著首滿四叛官
軍往討未下廷臣規再出師邀公有危語公與同官
執不從未幾捷至

上喜賜公等俘奴各一己丑冬燔公陳時政之弊辛卯
冬彗見復䟽八事壬辰以天下水旱相仍請省科歛
減力役寬兩稅弛利禁悉從之是冬奉敕脩續資治
通鑑綱目乙未夏進兼文淵閣大學士丙申加太子
少保改吏部賜冠帶一品服時禁中建玉皇閣公論
毀之又請建儲尋因墨告見極陳時弊丁酉兼
殿學士時內臣汪直創西廠刺事權傾中外公與同
寅指斥激切即為革罷公亦決於去遂得辭公詔盧
氏封夫人先卒勅葬邑西山之原子男三長良臣第
進士仕至翰林侍講先公兩月卒于京次良輔以公
蔭授禮部主事孫男四汝謙國子生汝順邑庠生汝
晉汝泰女四曾孫男四良輔將以卒之明年某月某
日奉公柩啓廬夫人之封而葬焉前事以太常卿兼

學士王臣所述事狀屬劉直公門生素承愛重方聞

日奉公樞啓 盧夫人之封焉 並二焉 前事以太常卿 無

學士王臣所述事狀屬銘直公門生素承愛重方聞
訃悲慨不勝銘何敢辭惟公半儀山上襟度淵澄詞
氣溫徐平君款慎不懈接人恭遜早擅三元旋登內
閣以經濟爲己任以薦賢爲己首務間論古今治亂
事機得失賢否臆疊不卷文牘盈案裁決如流中遭
誣然問夷不校權奸既敗事白復起倚毗益切建明
良明多一時愴士相傾舉無能爲卒之身退名完德
業著于當時風聲聳于後世視古名相碩輔如勅之
莫厚崇之應變且之沉靜亦何忝哉先後蒙賞賚金
幣冠服書籍鞍馬飲食之類頻腆而自處泊然嘗主
考會試五爲廷試讀卷官皆稱得士於書無所不讀
爲文渾厚雅贍詩主平淡不雕刻有集若干卷傳于
家蓋一代偉人宗工銘以昭之宜矣銘曰天佑

皇州川嶽鍾靈篤生魁傑為特偉人有偉文毅早擅三元
存登內閣參秉衡鈞宸心志行道克濟中興尋遭
變故東歸角巾坦懷泊慮訓子奉親蠅玷自白寵命
更新匪躬匪懈弼亮經綸因天仁愛謹言屢陳宸衷
孚契海宇義寧明良魚水今昔奚頻羣比醜正力辯
以貞松栢挺秀陰霾廓清倚疇方切其如切戒辭盈
戒滿奉身完名涼風曝日洛社耆英慶延哲嗣澤在
斯民諸福克備始終哀榮流芳百世視此銘文

副都御史魯公墓志銘

能

都察院右副都御史魯公奉勅巡撫甘肅也甫下車
即嚴明號令簡閱部伍振張領目補剔利弊兵備咸
飭聲威遠著虜寇不敢南牧朝廷可無西顧之憂矣
無何遽聞父喪請歸守制屬邊務方殷代者不至弗

敢輒離日尚墨喪從事摧數勞助形神瘠羸疾作不

無何遽聞父喪請歸守制屬過境務方殷代者不至弗
敢輒雖日尚墨衰從事摧毀勞劬形神瘠耗疾作不
可治卒于闕內道之公館寔成化丙午八月十日也
有司敘襲如禮歸其喪訃聞

上深悼惜遣官諭祭命有司治塋域卹典厚矣其孤以
予爲公同年素相善持同都副都御史李克承所述
事狀來請銘按狀公諱能字千之姓魯氏居世寧國
涇縣曾祖通寶國朝洪武初以民兵守禦宣州有功
陞總旗十七年調廣東新會縣守禦千戶所子孫遂
爲新會人祖諱保輓考諱真魏素軒先生以公貴累
封戶部員外郎妣周氏繼母陳氏俱宜人公資質端
重性聰敏早嗜學素軒喜曰吾世武弁以儒僕起家
必是子也遂遣從經師游年十六選補邑庠弟子負
勤勵不懈學大造詣景泰庚午以書經領鄉薦甲戌

登進士高第觀政冬曹特永興王堯公奉命營葬事
提督有方事如期集還朝除南京戶部四川司主事
天順戊寅丁周宜人憂卒服闋改戶部山西司初考
績最推息給勅封贈父母成化丙戌陞員外郎明年
以繼母喪去官辛卯起復改江西司壬辰考最給誥
推封如制尋陞湖廣司郎中癸巳陞陝西布政司右
叅議戊戌進右叅政庚子陞右布政使尋轉左使甲
辰陞都察院右副都御史巡撫甘肅公歷戶部曹務
繁劇區畫綜理嚴密而均適國用以舒司徒多倚重
之在陝藩時分守臨鞏二府清水縣城久犯虜寇
卒至公親率官民兵且築且戰城成虜自遁去繼奉
璽書總理公郡三邊糧餉都行三司屯糧徵運以時
遠近有等而民力不疲每歲戶部給來糴米銀數十

萬兩舊多乾沒於權要公估直分糶會合無虧而兵
食以足創會計堂一所於公堂之左凡民徭邊儲洎
王府祿米所當預計者則集僚佐疇度其中務在均
節官民兩便故歲雖侵無稽逋甲辰快右亢旱不登
民相食公處禱郡望百方區畫古今救荒之宜舉行
殆盡由是多所有活離間至死不怨而一方卒賴以
無虞公之力居多朝廷加公勞勩肆有處撫憲臣之
命是年十月也公生宣德戊申九月二日娶羅氏有
淑德子男二長文衡次文鑑嗚呼公為人溫厚坦易
慎交際口不道人過失至論公事則執定見侃侃不
回職所當為鞠躬盡瘁歷官三十餘年位躋三品其
嗜淡素如布衣時蓋志在澤民安社稷而已銘曰嶺
海之間清淑攸萃允教魯公穎越群類早與計階申

科廷對荐歷民曹國賦充信出牧陝藩旬宣固憚振
張領目簡略苛碎屬歲大侵百方振貸億萬生靈撫
摩勞耒民免流亡感激愛戴僉曰微公此生豈再令
聞以昭

帝心簡在制曰爾能敵吾所懷乃遷都憲凜風裁惠滿
裳陰威行榆塞素志方伸營仲星奄墜卹典旣憂弗
壽奚慨勒詞貞珉昭示永代

工部尚書謝公墓志銘

一變

同前

皇上臨御廿有三年既久於總攬洞鑑群情乃赫然渙
比繩遠更置一二大臣首召直於南都參典密務且
起致仕都憲劉公叔融正中臺繼擢李公恣德位冢
宰公位司空劉公召和為少宰黃公文昭貳宗伯吾
江右士夫素以剛介寡偶一旦聯陟輿論翕然稱快

予輩感激胥規謚矢心匪躬期不孤簡任而工部攻

予輦感激胥規誨矢心匪躬期不孤簡任而工部攻
務尤號猥冗公方去翰墨躬校案牘嚴勾稽剔蠹弊
謹物料出納之數正匠作逋匿之罰工師宿黠者悉
遺斥之不得近左右凡有營繕必計程期慮財用以
授屬職庶能者董之故費出有經力役無困明年春
公得疾疾在告三月上書辭俸優詔不允疾少間亟
出視事病復作是夏五月十九日夙興盥頰訖衣冠
出坐小齋溘然而逝訃聞

上深悼慨特贈欵萬貫贈太子少保遣官諭祭再命有
司治塋如制蓋寵任方隆而遽不祿惜哉其孤紀以
刑部侍郎何公廷秀所述公事行丐予銘天順庚辰
予同考會試公得卷列之第三為天下書經魁進試

于廷

英宗皇帝覽公所對策嘉悅之擢第一傳臚之旦哀然衆
中縉紳屬目閣老李文達尤喜得人後有及第者
輒曰安得備器如謝某者乎除翰林脩撰同庶吉士
讀中秘書由是所學益博而精

上初嗣統進公侍經筵被賞賚預脩

英廟實錄據事直書得史官體書成陞左春坊左諭德
加賜銀帶左曠繼脩續通鑑綱目時預脩者僅十有
四人公分脩元史凡所褒貶一依朱子書法多正前
史之繆既成進御陞翰林學士宴賚有加嘗因星變
上疏陳五事一正宮闈以端治本二親大臣以詢治
道三開言路以決壅蔽四慎刑獄以廣好生五戒妄
費以足財用忠懇剴切多人所難言者丙戌同考會
試甲午主考南畿鄉試鑒別精明得士居多戊戌星

試甲午生主考南畿御試鑒別精明得士居多戊戌星

太子出閣詔簡儒臣侍講讀公與焉庚子陞禮部右
侍郎凡制度儀文多所裁定前所未有者必稽經據
史參以時制其為儀注務使考行一時同事者咸推
公練達故遷司空政績卓然有非迂腐者可比公諱
一夔字大韶姓謝氏其先本晉大保文靖公安之裔
世家南昌之古源祖永亨避仇匿姻丈王氏家遂從
其姓及公貴顯迺請于



朝復謝姓曾祖公政祖即永亨父得仁福建汀州府
推官俱累贈資善大夫工部尚書前母喪安人母范氏
俱夫人郡推始授汀經歷以廉惠得民被薦陞推官
謙微明恕正統己巳沙縣大盜起攻圍汀城勢熾甚
郡推集民兵助閩帥守禦屢剋賊鋒圍既解官軍誣
執村氓四百餘眾為賊又為力辯得釋民德之尋卒

于行營汀人建祠烏公嘗得告歸省先塋因往汀祠
祭奠遺民迎拜矐然相愛皆嘆公賢貴信為郡推陰
德之所致歎公娶鄧氏累贈夫人先公三年卒勅葬
邑之某山之原至是諸子卜以某年某月某
日奉公柩合窆焉子男三長綱鄉進士早逝次紀次經
孫男五騏邑庠生驥國子生次鳳驛驢俱習舉子業
惟公天資溫粹性樂易待人接物一本於誠未嘗有
所忤故人無貴賤咸愛敬之尤篤於友誼有悞罹法
網不能自白者必語所司為辯之或材可用而淪抑
下僚者薦諸當道不幸客死為歸其喪或卹其孥又
置義學以訓鄉族子弟置義田義倉以賑貧乏皆仁
厚之所推也公自少至老好學不倦所著述不為奇
崛雕刻之詞而溫厚詳雜類其為人古源文集若

千卷藏于家初公從侍讀尹鳳岐先生游先生語人
曰大詔他日所造吾不及也吾於文字間見之矣卒
以大魁官學士位司空文行功業所成若此先生之
言信哉予少公二歲先入翰林及公一蹴位予右顧
以座主見待不少違然同官同事朝夕洽比幾二十
年予乃出貳春卿改南都睽陽久之幸復同躋掌秋
重期白首相周旋執意永訣予尚忍銘公之隧耶然
匪予銘其誰宜銘曰皇明傑魁多出江右有偉謝公
早種靈秀經史傳通義理精究

先皇策士惟公實誕華秩崇資榮躋顯授論思獻替蜚
英騰茂纂書典禮正訛刊謬

聖明勵精任人求舊賢碩彙興駕行聯筮公陟司空剝
裁紛糾宿弊以清人望以副推公先君式遏亂寇開

釋非辜陰德實懋公食報宜盡自天祐名流既崇朔
弗遐壽壽能弗遐郵典優厚天匪昧洋殆昌厥後勃
銘賁幽永世無朽



浙江圖書館

皇明名臣琬琰錄卷之十五

懷遠伯襄毅山公神道碑銘 雲 王侍即偉

書曰天惟純祐命則商矣詩曰維嶽降神生甫及申
維申及甫維周之翰是翌天眷祐人君必資以非常
之位然後可以成莫大之功有若故特進榮祿大夫
右軍都督山公殆所謂非常之位者歟按行狀公諱
雲字某父諱青洪武初隨侍

太祖高皇帝平定海內以功授燕山左衛百戶已而從
太宗文皇帝奉天征討歷陞中軍都督僉事母某氏封
夫人永樂元年都督公以疾卒于官公以冢嗣襲任
金吾左衛指揮使節隨車駕征迤北功爲諸將先調
府軍前衛掌印尋陞中軍都督僉事宣德二年奉
宣宗章皇帝制諭充總兵官掛征蠻將軍印出鎮廣西

先是廣西溪洞徭獠叛服不常數為邊患公至鎮之
以靜照之以仁嚴覲令公賞罰親率官軍與賊叛常朝
列等前後十餘戰臨機應變能以身先士卒故所向
無前斬賊首凡一萬二千二百六十九降賊酋三百
七十七獲被賊抄虜男婦二千五百七十九俾各寧
家擒虎豹三百四十獻于朝築永平等九堡葺宣武
等四城創舖舍五百一十七由是蠻夷懾伏居民按
堵

天子嘉其功進公右軍都督同知賜紅織金羅衣一襲
仍下詔獎諭有庶能公正善撫軍民實副委任之語
今上皇帝嗣位念公守邊日久厥績茂著延賜以白金
綵段正統三年九月二十日公以疾卒于鎮有司以
聞

天子嗟悼親視朝一日遣官諭祭命工部營塚瘞贈公

天子嗟悼輟視朝一日遣官諭祭命工部營塚壙贈公
卒之明年二月六日歸塋先塋之次墓碑未及樹子
俊以疾不能任事白于朝以弟泉代歆官泉乃以碑
文為請嗚呼若公者可謂非常之佐者矣公姿貌魁
梧善騎射曉兵略持己以廉慮事以慎其苦與眾共
之故臨戰人皆出死力殲強圉若拉朽腐用以保障
生民其卒也西廣之人為之立祠塑像歲時祭之其
得人心可知矣公生某年某月某日享年六十有四
夫人吳氏金吾衛指揮之女有懿行子男六人長
即俊次即泉能嗣其業次璽信義諫孫男三人嵩奎
岩予雖未嘗識公然公名在天下籍甚銘固不可辭
銘曰桓桓虎臣為國之輔夙秉忠誠動遵軌度粵嗣
先秩擢長萬人待從龍旂克清塞塵經握重兵出鎮

西廣訖然保漳下民是仰恩威并著聲勢以聞智超
百將勇冠三軍禦禽茲綽有奇畧競令一施侮間者
瞻落榮祿之秩廉正之褒宸章燁燁于以報勞西廣
之人賴公之佑昕夕籲天祈公永壽天胡不勗遽然
而終訃聞于朝

天子忉忉褒卹之典特為優異匪私于公以勸來裔公
之義氣炳然丹青下則河嶽上則列星我作銘文勒
諸神道百千億年永永有耀

永寧伯譚公行狀廣

同前

公諱廣字仲宍姓譚氏丹徒河門人也父諱添四當
大祖高皇帝起義濠梁房氏籍從大夫湯克金壇帝
州攻取江陰又克蘇明等州遂留禦明州收捕蘭秀
山以終時公年十四補父籍繼被選入補驍騎衛復

調府軍為伍長帶刀宿衛誥授詔信杖慰燕山中蘇

山以終時公年十四補父籍繼破選入補號騎衛復

調府軍為伍長帶刀宿衛誥授詔信校慰燕山中護
衛百戶從征乃兒不花轉燕山左護衛又征驢駒河
黑松林朶顏山等處已而從

太宗文皇帝奉天征討

館

上知公驍勇有謀命率百騎候東安涿州公生捕得還
卒輒械以聞

上益親信遂從攻真定取永平下大寧還戰鄭村堤以

功陞千戶又取廣昌克蔚州圍大同鏖戰白溝河攻

濟南陞正千戶及破滄州戰東昌定州夾河轉臺城

進攻順德皆奇功因留守保定陞指揮同知尋陞指

揮使會都督韓觀等率兵十二萬來攻公以孤軍晝

夜相拒四十餘日糧且盡公嚙指裂背左區在晝竟以

飛礮擊走其眾陞大同都指揮僉事永樂以元營

督運殿材紫金闕七年入見留北京領神機營從

上征迤北封神機驍騎將軍由亥冥河追趕本雅失里

至靜虜鎮殺敗何魯台復征擒胡山還守大同十二

年復從征九龍口胡騎數萬憑崖而陣勢張甚公為

前鋒以神箭手萬人射傷其眾賊驚潰顛坑骨木死

者殆萬計公乘勝揮兩翼以進夾擊之繼以步刀

斫其馬足賊大敗去比还



上指謂廷臣曰廣之知勇雲長教德不足多也陞中軍

都督僉事有白金綵段駕馬襲衣之賜且俾中貴護

至其門



仁宗嗣位陞左都督制克總兵官出鎮宣府時冬寒

上念公備禦於外追賜楮幣綵段即掛鎮朔將軍印暨

于

宣宗元加褒異勅曰念卿總戎櫛忠效謀躬勤夙夜有

宣宗尤加褒異勅曰念卿總戎櫛忠效謀躬勸夙夜有

白金綵段之賜逮今

上皇帝既御大寶勅曰卿祇事

祖宗多歷年所出鎮邊疆厥績茂著特遣人喻意復賜

白金綵段正統六月以我勦胡寇功詔封永寧伯七

年給誥秀意若曰爾中軍都督府左都督譚廣忠實

能勤材智有為事朕

皇祖曾於藩邸翊清內難從征北虜克振武威暨事

皇祖

皇考至于今日鎮守邊方幾二十載屹然長城之固疆

宇晏然念勞勩之既久宜息數之渙頒今特授尔奉

天翊衛宣力武臣特進榮得大夫柱國永寧伯食祿

一千一百石仍與爾誓除謀逆不宥外其餘雜犯死

羅免爾一死爾惟欽哉正統九年

上聞公年老不忍重勞以事命武定侯郭公往代其任

驛召公還未幾而告薨

上哀悼為輟朝一日遣官祭吊申勅有司治塋事王公

大臣咸有祭公為人長身王立聲力絕人忠義之氣

大百餘戰戰必勝然未嘗妄殺愛人下士恒恐不及

士卒勤勩不啻在己寒為之衣飢為之食故公之去

也人慕之其薨也人哭之咸盡哀公初所統神機兵

鮮明冕旌進退止有度望見皆曰此譚家馬也

上有所指揮亦曰譚家馬至胡虜相戒亦曰慎毋犯譚

家馬迨今猶以為魏所得祿賜一不以私贏均為季

舍浮屠老子之官之用嗚呼若公者雖古之名將何

以加茲公生子元至元某年某月某日薨于正統九

以加茲公生子元至元某年某月某日薨于正統九

年某月某日曾祖諱某祖諱某考諱添四皆贈榮祿
大夫柱國永寧伯曾祖妣某氏祖妣某氏妣某氏皆
贈太夫人配王氏封夫人子男三人表亨襲永清衛
指揮使次商次高孫男若人亨將以九年十月日奉
公之柩歸葬保定某鄉之原泣請予狀公行寶用乞
銘于大史氏某為公之門士下知公願悉故不辭而
述其槩若此云

工部尚書李公神道碑銘 友直 楊文貞公

太宗祖皇帝初奉藩北京建文中廷臣有因齊藩不法遂
建議凡藩國所在更置守臣於是擢張昂為北平布
政使昂日求王府細事將為不利其史季友直密聞
于
太宗義師既舉遂擢用友直友直質樸直諒知無不言

甚見嘉獎日益信任出理鑲運入嚴城守率以命之
殫力竭慮事卒蚤集而咸稱

上旨初授北平布政司右叅議既建北京改布政司為
行部陞左侍郎時初作宮殿繕務殷專經度提督躬
任勞勤勞蚤莫弗能解改行在工部侍郎

仁宗皇帝臨御嘉念勞陞行部尚書奉命代命祀周
文武成康陵及秦愍王既還言關中民嘆深見嘉納
賜誥命并追贈祖考妣請告焚黃遂立碑于墓以侈
上恩昭先德

宣宗皇帝嗣位改行在工部尚書嘗奉命董採殿材於
蜀設施有方撫綏有誠勞者不怨自是朝廷凡有興
作重役悉以悉之其臨事有條理而體卹下情所行
悉公是以人從事集訕誹不興而屢承勞賜焉友

直字居正為人坦夷閎敏雖不與物競而持己正直

直字居正為人坦夷闔敏雖不與物競而持己正直
不屈於物有恆人之心施濟弗吝與人言必歸於忠
厚有之官往辭公者必勉以愛民之政與人交惻疑
緩急率得其力度量有容屬司之貪詭者以公長者
數欺慢之公雖知弗校清議以是益重公春秋七十
而卒正統三年某月某日也計聞

上賜祭命工部營繕禮部賜祭公鄉以下皆往祭之
李氏之先隴西人元季其曾祖山徃保定清苑自是
以來皆隱處不仕而篤於善行祖彥名芳人義皆贈
資善大夫北京行部尚書祖妣藏妣柱皆贈夫人先
十七年卒繼劉友王皆勤內助子男三昉暉暘孫男
四曾孫男四諸子將捧匱歸厝清死先事昉奉吏部
尚書郭公所述事狀諸予請文於神道之碑余嘗先

銘其先塋矣然與公同事四朝雅相好相知故不辭
爲叙而銘之銘曰遙遙隴西李所自來徙清元屬元
季曹穰之御柳莊里土剛水清毓和粹繇曾大考暨
祖擯積仁累厚襲休祉式生居正用奮起攄厥純誠
事藩邸義旅之與殫勞瘁高城浚池固根底聯車連
轡給饗餽左馳右驅效智謀乾坤既正廓氛翳煌煌
天寵峻祿位藩垣超陟冬卿貳冬卿申陟極所至特
身莅務嚴劾筮肅肅在公靡怠易執信秉仁康當義
恤窮矜鰥急施濟量度恢豁內昭晰有詭罔之弗終
校計恭事

四聖誠一致七十全歸行靡愧必有絕述垂後世故鄉
之墳歸率制疇其銘者大史氏

禮部左侍郎李公墓誌銘

嘉

同前

宣德七年十月十五日禮部左侍郎李公卒于家訃聞

上遣官賜祭師傳六卿而下皆往吊祭卜明年某月某日塋某縣某鄉某原其孤粟以治命奉翰林侍讀苗君裏所述事狀來拜請銘禮部尚書毗陵胡公申為之言予與李公同事

三聖凡三十年乃接狀叙而銘之李之先居平陽之臨汾大父諱仲智父諱師魯先季隨元希賢官游燕都遂占籍宛平縣而公生焉公諱嘉字允堅天資凝重不妄言笑自初卓卓有立志事親孝稍長縣大夫選邑學弟子員前大學士董公倫時為學教諭公從受業旦暮自策勵所授書率誦讀數百過四書注釋雖老不忘已而念家貧親老丐罷歸侍養為師者初惜

其去遂獻詩達意其辭懇切師憫而從之後遂奉祠
所禮生事

太宗文皇帝於藩邸敬恭祀事恒致其誠無幾丁父憂
哀毀動人終喪不飲酒食肉覽父手澤未嘗不流涕
而養母愛敬兼盡初世之希賢死於其無子倉卒蒙
塋公念及輒悲竟卜吉壤備禮而塋焉

文皇帝靖內難預效守城勞時南兵逼城城外民有負
母入城無所依者公避舍以處之且食之粟民母子
得全於急義率此內難平錄守城切召至南京有司

奏授鴻臚寺班數月

浙

上親擢為通政司叅議且向諭之曰以爾誠實故擢真
要地必勤必慎毋忝朕命公益盡心力職一日奏事
畢自陳臣有老母在鄉里無兄弟侍側願躬迎母就

畢自陳臣有老母在鄉里無兄弟侍側願躬迎母就

祿養從之既至時初建北京奉命董運水之役於河
南殫其智慮夙夜不懈後喪母哀毀如喪父詔賜棺
及驛舟歸其喪服闋仍前職遂扈從北將自是巡狩
皆預扈從後坐累左遷鴻臚寺丞

仁廟御極陞左通政使又坐累左遷未行

上嗣大統復通政使改北京行部侍郎念其老不堪繁
務又改禮部侍郎公雖精力日衰猶勉強從事未嘗
少間再歲以疾聞賜勅褒諭命致仕又數月不起享
年七十公特身端謹一芥不苟取予剛方嚴教人不
得干以私其任職細務必親故所歷寡合終不為變
治家整肅教子孫必務學而閑暇道說國初以來北
京名賢故老流風餘韻娓娓不窮德者忘倦蓋自是
能知而言者鮮矣其歷任散官自將仕佐郎積至

通議大夫以公貴再追封二代大父父皆至通議大
夫禮部左侍郎大母吳女榮皆淑人追封故妻蔡封
繼室趙皆淑人子男四栗直剛簡孫男四震謙泰選
銘曰嗚呼李公有孝有守遭逢龍興陟

帝左右剛毅之資自信弗疑顛顛以特莫之或移納言
之可宗伯之貳歷年三十終始一致白髮蒼顏鞠躬
竭誠

三聖在上天鑒孔明奎章龍文奉勅歸第象笏朱衣里
閤迓拜從容優游以壽考終綸音及門寵光隆隆鳴
呼李公主死榮哀勒銘其歲永示後來

兵部尚書兼詹事金公墓碑銘

志

同前

永樂十三年四月十五日兵部尚書兼詹事府詹事
金公得疾明日強入朝退疾劇又明日卒公世鄴人

金公得疾明日強入朝退疾劇又明日卒公世節人

日以慷慨闊達負氣義壯遊京師遂遊齊魯趙魏以
達於北京居北京二十年

上初舉義靖內難布衣入見署紀善遂從征伐明年署
長史又明年陞工部侍郎永樂二年陞兵部尚書兼
詹事府詹公事

上敬慎小心每被顧問知無不言退未嘗泄以是益見
禮遇而委任益篤焉輔道于儲君以正直自特言無不
盡充見優待遇同列論事徑情直發不肯持兩端依
阿而虛已服善沛然而決江河注之海也兵部機務
繁劇公嘗推讓周官之賢能或一事失當則必自引
咎人有片善必稱之雖有素與公異意者其人有他
善未常不稱也里人有數窘辱公公為尚書時其人
補吏來京師懼不為容公薦用之或曰彼不於公有

憾乎曰願其才可用柰何以私故掩人之長尤好獎
掖善類士有得一官而往見公者必戒之曰國家待
士厚所望為民造福耳所至一以濟物為務聞人出
片言語涉暴刻輒脫然色變可謂公直慈厚者矣襟
懷坦夷神情灑落政務之暇朋從往來酒一壺棋一
局詠歌談譚相得也事凡世尊盡恭撫兄子如子篤
交誼朋友卒其子無依公為長育之亦有長育之而
為之娶婦者其他賙貧之恤喪葬所濟尤多博於史
學海論當時成敗治亂之故娓娓千數百言不竭其
源委拆曲歷歷如身親覩之者享年六十有三初病
且華尚書蹇公侍郎盧公往候之問所欲言公曰命
至此何言獨念忠始以一夫見
上歷數年位列六卿寵極貴盛而未嘗敘分寸之報忠

上歷數年位列六卿寵極貴盛而未嘗數分寸之報忠

即死能瞑目哉已而顧其襁中兒謂二公曰忠不能報

上恩矣士奇必志

上所以寵我者銘我庶幾兒長而或有知也訃聞

上為文祭之有曰殫竭心膂克勤夙夜小心慎密始終

無聞

皇太子為文祭之有曰能盡乃心知無不言助益多矣

又曰老成忠厚方資之為輔而遽沒焉嗚呼觀公君

臣之除始終一德生榮死哀何其盛也公諱忠字世

忠祖漢考文英以公貴皆贈資政大夫兵部尚書祖

妣樓氏妣焉氏皆贈夫人娶余氏封夫人子男一達

公汶特達生始六月明年二月兄子復初奉公柩歸

塋勤之某鄉某原士奇素辱公知義不可辭故叙而

銘之銘曰神龍御天雲翕從之千載之會時惟昌期
金氏之先宅於東浙世篤善仁蓄涵未發如種必獲
迨公奮與明良相逢助自北京奉天靖難公侍帷幄
寅恭慎密昇以心腹邦國戰寧榮秋顯命爰貳冬官
遂掌邦政遂輔儲君宮臣之首公德多有公存孔厚
右之君臣有終不常偉公之終隆隆寵光難名如天
維

帝之恩公沒惓惓庶其後人鄧原之墳湖山鬱盤歸焉

期藏永永其安

新建伯榮僖李公墓志銘

玉

楊文定公澤

公李姓諱玉孟輝字也先世居真定之曲陽至孝士
中涉河間交河今為交河人高祖誠曾祖德榮志田
園不求閭達祖雅元上都萬戶士中有孝行樂賑施

以醫尚藥濟人所治輒效未嘗責報鄉人德之皆以公

國不來聞達祖惟元上都萬戶士中有孝行樂賑施

以醫藥濟人所治輒效未嘗責報鄉人德之皆以公
貴贈中軍都督僉事曾祖妣祖妣皆贈夫人母趙氏
封夫人公生而英敏異常見甫成童代父戍營州洪
武己卯

太宗皇帝舉兵靖難自大寧歸附從征所至皆捷若鄭
村坦白溝河東昌威縣夾河橐城靈辟大戰皆有功
隨駕至淮度大江入南京及扈從北征至玄冥河追
殺胡虜本雅失里由靜虜填出廣漠成敗阿魯合湖
州草寇嘯聚奉命率南京軍合陽所統武侯軍討平
之

上海北征皆扈從嘗命總後營

宣宗皇帝征武定州總軍扈從北還命守彰德復命從
征兀良哈亦顏有功公起行伍以奉天將事士由總旗

理百戶再陞指揮僉事壬午冬陞真定衛指揮同知
永樂庚寅以教胡虜功陞指揮使調府軍前衛領幼
軍隨侍

皇太孫洪熙乙巳

館

宣宗即位念公能陞都指揮同知丙午陞中軍都督僉
事己酉春進封奉天朔衛宣力武臣特進榮祿大夫
枉國新建伯歲祿八百石賜券誥是冬奉命往陝西
明年往湖廣改調西安武昌護衛正統初命總禁軍
公歷仕四十年小心敬畏受知

列聖金帛甲冑器皿諸物恒有賜賚而能約以自處人
以是多之辛酉夏以疾告命太醫院給醫樂疾亟自
亭遭際恩榮愧無以報遺訓子孫永世無忘八月庚
午卒壽七十三訃聞

上差悼轍視朝一日遣禮部尚書日胡公諭祭于其第初

上嗟悼輟視朝一日遣禮部尚書胡公諭祭于其第初
有司給齋粮麻布治棺塋塋追封新建侯謚榮僖配
趙氏封夫人相成厥家族里稱賢子男七長英次源
先卒次海次賢次良次某次某女二長適府軍衛百
戶范達次在室孫男十二曰奇曰信曰佐曰某曰倫
曰儼曰健曰任曰孫一女三皆在室曾孫二曰政曰
某卒之年某月某日葬懷柔縣某鄉某原英奉中書
舍人張弘所述行狀請墓銘銘曰維公展也多才詡
歷事四朝勲日著厚祿榮封中春願韶蟬先接夔龍
武越昔駿奔義旗舉風虎雲龍千載遇玄冥河此廣
漠戍膽里白旄殲醜虜歸侍東朝司禁旅有偉其休
約以處全而歸之有遺務爵謚褒嘉駢錫與子孫振
振保厥緒懷柔之原良膺膺千百萬年安以固

豐城侯茂國剛毅李公神道碑銘彬同前

公諱彬字文質姓李氏鳳陽定遠人父信善騎射少
從

太祖高皇帝征伐以戰功累官明威將軍將川衛指揮
僉事後以老疾致仕公方弱齡補文官即如老成人
上下交譽之洪武唐午率所部兵從穎國公征北虜
歷朵顏鴉兒諸山追襲虜酋阿剌失里至洮河兒獲
人馬數十復歷黑嶺寒山諸處至熊皮山追襲虜酋
兀刺罕時

太宗文皇帝居潛邸聞公智勇深嘉賞之明年遣公巡
視宣府興河保安隆慶懷柔諸邊城尋以公文信為
遼東都司都指揮使癸酉命公率兵築宣府德勝口
城巡視邊關明年復命公率兵築萬全懷安城又明

年命公率兵征哨泥河營黑松林諸處至哈刺之地
乃還胡虜遂遁庚辰

文皇帝舉兵靖難命公率兵攻薊州遵化克之以功陞
指揮同知又攻雄縣莫州克之陞都指揮僉事復克
大寧城又克敵於鄭村堡克廣昌蔚州大同諸城明
年夏於白溝河大戰以功陞都指揮同知進克滄州
壬午於滹沱河單橋藁城諸處克敵追至彰德出哨
定州陞右軍都督僉事又於楊村交戰被鎗

止即遣醫視之賚子優厚俾還比平公奏曰臣本戰士
豈以微傷自饒願隨軍效犬馬之力

上不允命輔世子守城癸未命公率兵護中宮至京師
永樂甲申

上以四方既平乃論功行賞念公之勞居功封奉天靖

難推誠宣力武臣特進榮祿大夫柱國豐城侯食祿
一千石子孫世襲自是委托益重乙酉命鎮江西丙
戌命巡皂君山丁酉命征交趾有功加祿五百石己
亥勦平東海倭寇唐子督糧江尋命往長沙討賊李
法良獲之辛丑命捕福建海寇癸卯命佩征虜前將
軍印總兵守甘肅大振軍威朔虜驚伏丁未隨駕至
京命佩征夷將軍印總兵守交趾遠人莫不仰德畏
威南陲晏然在鎮六年以疾卒時永樂二十年正月
十五日也交人莫不罷市巷哭其德澤及人深矣訃
聞


上為之震悼輟視朝一日加賜諱儀追封茂國公謚曰
剛毅遣官諭祭復追封三代祖考皆上公妣皆公夫
人子男四人長曰賢故副封豐城侯次芳次恭次禎

孫男二人長曰勇今嗣封豐城侯次鉞嗚呼公以武
士遭遇龍飛之運乃能建勳庸昨茅土東征西討還
無寧歲可謂國之勞臣矣是豈可以不銘較因勇之
請序而銘之銘曰桓桓李公慶時之逢奮武揚威克
效其忠統其父兵所向無敵長驅虜巢左右博擊胡
塵既清武備是營飭彼邊城大振軍聲靖難之師惟
公義勇奉戴

真人不震不悚通侯之爵




帝寵是加世澤之延與國無涯公復何心殫其智力奉
命周旋曾不少息或鎮邊方或殄強梁意氣之威震
華軒昂終于矣荒墓于歲土吏史百勒銘光照千古



浙江圖書館



陸年 拾貳月 玖日



浙江圖書館

浙江圖書館
藏書




浙江圖書館

善本

11

日



浙江圖書館

浙江圖書館善本

甲 登記號： 32611

一九 年 月 日



浙江圖書館


colorchecker CLASSIC



xrite



colorchecker CLASSIC



x-rite

